



GLOBAL TRAINING
NETWORK

A QED A YOONU FO A SIMAT:

*FOP KAA
SUPTOOXAA YAA I
MBAADA MUKIT NE
ROOG*

A KAYIT ALE NO
CAACANG OXE
VERSION 1.2, JULY 2024

Ke a cangin ale a fofna

A QED A YOONU FO A SIMAT:Fop kaa suptooxaa yaa i mbaadaa teewaay ne Roog

Leson 1: O njiriiŋ a qef kam mbokatax ne no gimu we	3
“Mbind es xan a xoyel mbind a qef ”	3
Fat i mbapoox too ndef waa na nqedaa	5
Leson 2: Jeg Nqijpoor fa Roog	8
Leson 3: Jafe-jafe na qef?	10
Xar texu jangu fee a soxla o njagnel a qef?	10
Xar refu a qef?	11
A lalgan no waag o xedit ne ta waritna	13
Ke na yaqaa a qef a refit ne waritna	15
Leson 4: O ŋoow o saadooxu na qef	17
Ke i njaɓna, a tipax, a yaaw, soxla fo a muuk ale	17
Leson 5: Yeesu a laya yee , “Fat nu nqedit nene ndaa ba nu nqedit naana”	19
Leson 6: Xar refu a qef a yoonu fo a simat?	22
Leson 7: Fat i njeem!	27
A Kim a Tedu ke 46	27
Ke a qef a yoonu fa a simat a rimaa	29
A cang I: A kim a tedu 5	31
A cang II: A Kon ake Roog	32
A cangin III: Ke na laltaa oxe Roog a refna	34
A cangin IV: An refum na Kiritaa	37
A cangin V: Xedaa no daap ke Roog a jegna no jangu fee ten	38
A cang VI: a qef kam Nqaariit Nqas ne	40
A cang VII: Xedanaa we mo’na	43
A cang VIII: A qef ake ndax o yokax a jeg	44
A cangin IX: Xed na tegit ake Roog	45

A qef a keynooxu took a simat: Fop kaa suptooxaa yaa nu mbaadaa mukit ne Roog

Lesonj 1: O njiriiñ a qef kam mbokatax ne no gimu we

Ke i mbarna o laamtiloox yaa i ndooraa a cangin alene :

- An refu oxe janginna a nuun a qef ?
- Ndax kaa nu ndeefanaa ne Biibal fee a jangnitna a qef ndii kaa nu mbi'aa soom ke o kiin o lakas a fi'aa ?
- Ndax kaa nu yaakaar ee nu anda ne nu mbarna o qeftaa ?
- Ndax nu mbooga yee nu njega fop ke nu soxla'na ndax nu njangin o lakas ne ta warna o xedtaa ?
- Xar refu ke taxna a qef a fi'eel ?
- Ndax nu mbuga o maak no ñoow a qef nuun ?

Leek leek kaa i soxla'aa ndef waa "andeerna" ndax i mbaag o njang a cangin a nqas . Lesonj nene kaa laytaa no :

1. Waag o andiloox o njiriiñ a qef kam jangu fee fo kam o ñoow of .
2. Reefan a cangin a tiindigil ale na Biibal fee na laytaa na qef.
3. Reefan a cangin ale na Biibal fee na laytaa na qef, na boxotaa a Roog o ndam too a suptaa o ñoowof.

Niiri na Kim a Tedu ke 103 too fat o lay ke Roog a anditteel , ciko ke ten, fo a kon ake ten kam o saar ole .


A kim a tedu ke 103	Ke ta anditteel, ciko ke , fo a kon ake Roog
103:1	
103:2	
103:3	
103:4	
103:5	
103:6	
103:7	
103:8	
103:9	
103:10	
103:11	
103:12	
103:13	
103:14	
103:15	
103:16	
103:17	
103:18	
103:19	
103:20	
103:21	
103:22	

“Mbind es xan a xoyel mbind a qef ”

Yeesu a jiriiŋpoora fa lay fee Esayi yee ta layna ee , “Mbind es xan a xoyel mbind a qef ”.

(Esayi 56:3-8; Mace 21:12-13; Mark 11:15-18; LiK 19:45-48)

Ndaa , xar tektu no ndigil jangu faa refatna *mbind a qef* ?



Biibal fee laytee no qoolu ke jangu fee kaa ref mbind a qef a tekitna .Ndaa i mbaaga lay ee mbind a qef kaa ref jangu, me a qef a refna pexey ne na taxaa i ndaaw no katil ne Roog fo calel ke ndefna kam o ŋoow ole na jangu fee.

Ndax i ndef mbind a qef, kaa i mbar o njaɓ ke Roog a xoyitna a in na qef. Kaa i mbar o njeg o bug too mbaŋ o mbaas pexey ke in na cangin ale ne gimu we a mbarna o nqedtaa. A qef kaa war o ref ne i laltitaa yee kaa i nqeexel o njeg ngiɓoor fa Roog , o bug ole i njegna no waag o jeg baxtu fo o Saasak oxe, kaa laltaa ee i mbuga o njeg niɓoor naa moyna xood fo o Yaal in .

“ A qef kaa ref waataa a Roog, nqayloox no bug ole Roog , ndaaw ci’it fo barke ke Roog ,i njaɓ teewaay ne Roog kam xa ŋoow in, laltaa o ngidim in no ke Roog a fi’na kam xa ŋoow in , too nqedooxaanaa lakas we ndefna no soxla . A qef ref ee kaa na jiriiŋpooreel ndax o jeg kaa bugoona . Eetu, a qef ref ee nen wargal . Kaa ref ke na ŋoowdandaa ngiɓoor – ndeer asamaan fa lanq, ndeer Roog fo wiin we, ndeer o muumucil oxe fo baabakaad we, ndeer o Yaal oxe fo fad we ten , ndeer Faap fo xa ɓeem, ndeer oxe refna xoox le na jangu fee fo we mbogna teen. Roog kaa xoox a in no ngiɓoor. Roog kaa xoy a in nday i ndef waa na nqedaa.”

(Douglass A. Kamstra)

O ŋaas ole moyna o feeŋlaa jangu faa na xedaa refu ee teewaay ne Roog kaa maydand Mbind ne ten. Xeca, ke moyna o laltaa “mbind a qef” refu ee kaa may muut fo teewaay ne Roog.

“Kaa koy, boo fop a njo’tanaa a Roog , o kimeer a fadiid , a soɓ a den teen , xan a ga’ood ne ta nandna , ta fi nen hate no ten . Ke reefna no xeeŋ um fop a huytoox , too oxaaga xan a gung, a fadoox a Roog , a yegnitik ee Roog oxe a ndeer nuun tigi!”(1 Korint 14:24-25)

O ŋak ŋaamel no yiif kam mbokatax kaa nandantel nqeex no yiif . A qeeŋ ake ngimeerna kaa suptooxaa a ngimat na pexey waare fee na ci’taa o ŋoow na fi’eel kam jangu . Calel ke no jangu fee kam o ngim onqe kaa ndef no njofaa mbaamir , ref ee qupu na pexey o waag no kiin nen o ndimle nqe no Yiif Tedu le Roog hupna xalaat no kiin .

Na pexey yirmande fee Roog, yaasam cangu ke in a ndef qupu sax cangu kaa na nqedaa, ndaa cangu kaa mayna muut fo gimu xeexed .

- **Layti no qoolu ke a qef a fi’aa kam o ŋoow of fo o ŋoow ole na jangu fee.**
- **Xar nu mboogu ee naaga jangu faa tipooxna ndax ta ref mbind a nqed a waru o nand ?**

Fat i mbapoox too ndef waa na nqedaa

Ne i mbugna o ndoor a cangin alene, yaasam keene a ref a qef in.

- **Niiri, /yooni na qef ale fo o kiin o lakas .**

Fat o bind xa toq axe na taxaa o tipoox fo /mbaat na toq axe waroona o lalit a koorgoorlax.

Jof	<i>Nuun fop, fat nu njof mbaamir na qef, yokoox teen , ndef no ngidim . (Kolos 4:2)</i>
jangnaam a qef	Faap, yaam ne um garaa mbaamir of no ngap onqene , andaam ee refiim oxaa na xedaa. Boo liiɓanuumaa, a qalaat es fo o njadataand es nqupu ke um xedaa . Waasanaam , o Yaal oxo . Na pexey calel ke no Yiif Tedu kam o ɓoow es, jangnaam ne waruuma o xedtaa too gen teen faɓ o waas.
Gore na qef	Kam xedang yaam ɓasil es ne refna jangu fee. Sam fog es no ngim onqe, goor fo rew, a may fo o daay ye da maadna o ndoona yaakaar den na wo kam feetlax ke na ndaawaa a den , too sam da ngore too a ngen na qef .
Baa dara a dikong	Suti na xa ɓoow in fop ke na yaqanaa a in a qef, ngimafar , bakaad fee i mbaɓna o mbaas, ɓak o waasanit, too, sam i mbaag o mbadin fop ke Yiif Tedu le a simna a in ndax i mbaag o mboktoox too nqedaa fo a qeeɓ in fop .
Jeg a tipax, googoorlo oxaa teen	Faap, kaam xedaa ndax o fudin took in a tipax na qef ndax i ndef no ndigil “ mbind a qef no qeet ke fop.” Suti na in fop kuu refna ɓak o xed kam jangu ne in too fudni o bug o jegu doole no ga a yokax a jeg kam jangu fee Wo. Sam a qef es a a ref ke na umbaa Yiif Tedu kam mbotax ne in.
Faɓ o waas	No gon le no Yaal oxo Yeesu Kiristaa, kam xedaa ndax jangu in a ref ne mayna fo wiin waa na nqedaa too a mbaɓ o mbaas . Yaasam, yaa o nomtoxiidkaa, o Yaal oxo Yeesu, o soɓ a in i maad o ngore’aa! Yaasam i mbog no we xoyoona na pexey Yiif le, ndax i yetooxaa tabax ne no jangu of, no saate ke fo sax qeet ke fop!
kaa ref ke wareena o fi ndiiki	Kam xedang ndax o duq a qeeɓ in, yip na in o bug a qef too ci a in o ngim o safku , ke i mbugna fo ke i nqedaa fop a ref no daap ne Roog. Jangni in ndax i mbaag o nqedtaa ne feloonga. Jangni in ndax i nqedtaa ne laytanoona kam fa lay of. Yaasam wiin we na jangu in a mbaag o njangin ɓasil den da mbaag o ngoknooxaa too a nqedaa. Yaasam rew we in a neewandoox mbaamir of too a njeg o muɓ ndax da mbaag o nqedaa fo njambaar . Fi’i boo ta jeg waa na nqedooxaa a ndeer no xa teɓandoong axe no jangu in . Duqi a qeeɓ den too mayɗand a den fo o ngim o magnu . Yaasam a qeeɓ in fo a qalaat in a njofnoox no ke xotna no Maat ne Wo. Jangni a in ne i mbarna o nqedtaa, o Yaal oxo! Ke xotitna no we moyna o neew boo no we moyna o nogoy, jangni in a qef!
oxe jalanaa maat ne soom	A felangaang, jaɓi keene fop xedoonga ndax, jangu of a waag o jeg o ɓoow too a daaw yirmande no waag o fog na saxad ale na garaa. Na bes fee xaye sax, xoyi xeet of no neewandax ndax da moytoox bakaad , a mbaaf a tagid of . Yoki a in no daan o jegu doole le in, wo Roog, yaam no ndigil waxtu fee a matiida!
Oxe Yiif Tedu le a doxaa	No gon le no xe na ɓoowaa too a xedanaxam, refna Yeesu Kiristaa . Amiin. (Lik 11:1; 1 Tesalonik 5:17; Rom 12:2; Saak 1:6-8; Mace 6:14-15, 5:23; A Kim a tedu ke 66:18; 1 Piyeer 3:7; Esayi56:7; Mark 11:17; Lik 18:1-8; Esayi 62:6-7; 1 Piyeer 4:7; Hebre 11:13-16; 2 Caloori ke 7:14; Rom 13:11-12; Hebre7:25) <i>Nqedtiyo na fa lay fee ngir jangu nuun too Teice L. King a bindin</i>

Yaakaar magnu ke i njegna na Pexey a Qef

Ne i ndefna no mbaadaa pexey ndax i maak no ñoow a qef in fo itam kam o ñoow ole na jangu in, i mbara o yut o njasnoor fo a ñox fa coono no tig mayu . Keene koy, waree o bet a in yaam kaa i ndef na ñox a maak, a ñox yiif ndeer a qolaand ale fo xa niḽaan axe. Ndaa koy, no tegit ke Roog fo a betandax ale no ñoow ole na jangu fee , kaa I mbar o njeg njambaar yaam ne i andna fop ke o Yaal oxe a fi'kaa boo i nqebooxna o yoonandoor too mbaaf mukit um kam xa ñoow in fo kam calel ke no Yaal oxe . Kene kaa ref leng leng no “yaakaar ke moyna o magin” too i mbaag o njeg a den kam o ñoow ole fo jangu faa saaftooxna na qef alaa geḽnooxna na simat. (From Daniel Henderson – Fresh Encounter).

Xacloox too cung Yiif le ndax ta doxong

Pokatax mayu kaa na njalanaa o Yaal oxe kaa nandit ee njegee o ga o xoolu no me da mbugna o ndet . O ñoow ole no jangu eetand ne kam a Pi ake kaa jangnaa a in yaam ne da nanan'ina too a cung o Yaal oxe, ke adooxna fo ke reefanna xew fee na Pantecoot fee, ndax da ndaawit no Yiif le ne da mbarna o ñaacnit no barke ke ten kam, a ndeer fo na pexey den . Boo fa ndiik, kaa i mbar o nqaḽloox no Yiif le ndax ta dox a in kam calel ke ten (Rom 8:15; Galat 5:25; Mbeeñil 2:7, 11, 17, 29; 3:6, 13 & 22). O ten na cooxtan no fud o letu.

Njeg yaakaar no ndef leng safku

Yiif le refu a cur ale fo oxe na ḽisiidaa ndef leng kam xeet fee Roog (Efes 4:3-6). Yaam ne i mbaadaa o Yaal oxe kam nanoor , ndaawaa yirmande fo o jeg yiif na pexey Yiif le, kaa Roog o moyaa safkand mbokatax ne fo ndef leng ne in . Xan i and too ñoowit ndef leng ne in na Kiristaa , too lakas ke na yuuḽeel fop a refit no bug um . (1 Korint 3:3 & 16; 12:13).

Jeg yaakaar no jeg a suptax no ñoow of

O jiriiñ o eetaand a qef refu ta ḽisiid a suptax kam xa ñoow in too a ci a in doole nen waa na ḽisiidaa a suptax kam adna fee. Pool a xoolna kene ye ta layna : “ In fop we andoona yee a tagid in faj a fi'u , kaa i melectaa no ndam onqe no Yaal in. Neene kaa i suptel ndax i nand fo o Yaal oxe , kaa i sutooraa no ndam, ndokaa no ndam onqe moyna o magin , kene refu boog calel ke no Yaal oxe refna Yiif ” (2 Korint 3:18).

Jeg yaakaar o daaw a safkand no ñoow of

O Yaal oxe in refu “Roog fee na yaalaa no kuu refna” (2 Korint1:3). Jangu eetand ne kaa ndef'u no deetlax mayu ndaa kaa moy'u sadik na qef ake ndax da ngar no Yaal oxe too a ndaawit no ten o waag fo yaaloor no tig mayu ke ngewoogna (no samandaal , A pi ake 4:23-31; 16:25-34). I mbaaga o mbi leng kut ke.

Jeg yaakaar too xacloox no Yiif le ndax ta dox a yegnit ale no Yegil mbaax ne

Yiif Tedu le refu oxe na taxaa i mbaag o ndef seede (deeti A pi ake 1:8). Safe le na pi ake kaa laytaa ne Yiif le Roog a maydandtaa xeet fee ten yee ta yufginooxaa o Yaal oxe too ta sadkandit a den fo a toq fo o waag o xaajir fo lakas we da ngentina,fo no saax a lakas Yegil mbaax ne . Neene boog, adna fee in jaxasooxna too a ñak yaakaar , a soxla'a yegil mbaax ne Yiif le ten genna na in a doxaa .

Gim ee xan a qoolax of a ḽaatoox

Jegee lakas kaa waagna tax i and a qeeñ ake no gimu lakas we a refangee yaa i nqedandooraa fa den . O mbeq onqe no Yiif le kaa ḽisiidaa ndigil fo o wod fo-ḽaal , a refangaa sax kam coono ke (deeti Rom 5:1; 15:30; 1 Korint 13:7).

Cungaa yirmande fee na neewandax ale

Kaa layel ee o jaafu le na neewandax ale kaa ref o ga o magnu na Roog . A qef a yoonu fo a simat kaa ßisiidaa o sadar fo o mbeq no Yaal oxe , a yoon fo fa lay um. Keene kaa gofatrandaa in fo nga'atinax too a ßisiid yirmande fee Roog fo o jeg yiif . Roog kaa barke'aa we neewandooxna too a ci a den da mbaagin o mbel kam qipoor ke den (Saak 3:13-18; 4:16; 1 Piyeer 5:5).

Cungaa calel ke na jangu fee a njeg o “ndam”

Nqaariit Nqas ne kaa wetandaa a in ee ke i mbaadaa kam a padax ale refu ee we mbogna teen (da muc mbaat mucafulee) kaa mbar o lay ee, “ Roog oxe a ndeer nuun no ndigil !” (1 Korint 14:25). O “ndam” onqe ten (o niwel um fo teewaay um ne laltinooxna) refu ke i mbaadaa (Efes 3: 21). A qeeñ o yoonu, a mbaadaa barke um , den na mbi'aa calel nandu neene.

Dirooxaa jeg yiif o ngidim

Pool a bindaa ee boo gimu we a nqedandooraa , kaa taxaa da andiloox ke Roog a fi'aa na pexey a qef ake den. Keene kaa ßaataa o ngidim onqe no ke ta fi'aa (2 Korint 1:11; 4:15). Jeggee dara kaa nandna fo o ðaay ole na jangu fee na gidmaa a Roog no ke ta fi'aa .

Jeg o bug waag o cooxtaa fo o ðaay

Boo Yiif le a duqna a qeeñ ake no gimu we too a ßis a den no ke ta bugna, kaa ßaataa a den doole no kaa jofna na cooxit . Wiin we kaa njegaa foofi fo ñoow ole na ci'taa doole no cooxtaa fo o ðaay yaa da eetna o cooxtoox no Yaal oxe den fa qoox den . Kaa fudnaa yirmande um took o jeg den (ðeeti 2 Korint 8:5-8).

Cungaa ðaap ke no calel ke a mbi'el no waxtu den

Nen oxe na cooxtaa fo o ðaay, Yiif le kaa safkandaa calel ke na mbi'teel fo a qeeñ akaa na yifginooxna o Yaal oxe . Boo i mbaadan, kaa i njegaa o njaflex no njalanin too o waag ole a inoor na pexey ci'it ke no Yiif le ten .

Cungaa o daawit na Roog yirmande

Kiristaa kaa bug o max jangu fee ten too maak ne ten a inoor na Roog (Mace 16:18; Kolos 2:19). Boo i nqaclooxna no ten , nen kaa na maaknooraa a in ,kaa jegaa o ðaay no waag o ñaayin calel ke ten ta cooxna a in na pexey katil ne ten.

Cungaa o jeg doole a yokax

A yokax na pexey Yiif le kaa ref ci'it ne no katil magnu ne Kiristaa took xeet um. I naangiran o ñaacnitaa na pexey a qef in, ndaa bo i nqedaa , kaa i njegaa a pesoorof ndax i mbaag o ndaaw “nqeñ” ne na yokax ale ye ta wuudaa. A qef ake in nqupna doole sax kaa ref leek-leek ke na laltaa o bug ole no Yaal oxe no waajan a in ndax ta fudin katil um took in .

Cungaa su'nit ne ñoow o fagkeer ole

Boo i ngeenooxna mbaamir no Yaal oxe, laamit ke a in kaa jofna no “magnet” ole no calel ke in ndaa ke calel in a “refna ref” (1 Korint 3:11-15). Calel ke mbi'teena o waag no kiin kaa doxaa nen a teex , ñaax fo daaf . Calel ke ngeynooxna na Kiristaa , a daaw katil ne no Yiif le, calel ke no Yaal oxe yoonna fo a qef xan a maak too a xuud yaam o ndam um fo su'nit ne i ndaawkaa , a nan nen wurus, xaaliis , fo a ßil a jegu o njiriiñ.

Yaasam Roog a ci a in o woor ole , o safkel, fo yaakar magnu ye i maadna o cungaa too andilooxna su'nit ne ten ndax xeet fee a gore too a gen na qef.

- **Xar refu a cung ale(ake) nu mboogna ee ten moyu jeg o njiriiñ/a war o wetandooxel ?**

A qef a yoonu fo a simat: Fop kaa suptooxaa yaa o waataa mukit ne Roog

Leson 2: Jeg Nqipoor fa Roog

I mbaagee o jeg nqipoor fo oxe i mbexeerna , too i mbaagee o mbex oxe i andeerna; keene taxu , kaa i mbar o njeg o njaflax too njofnoox no and a Roog. Ne i mbugtuuna kaa tapoor o bug ole i njegna no mbaadaa oxe ta refna . O felem “ o mbeq” refu ole moyna jeg o njiriiŋ kam Biibal fee . Kuu i mbexna mbaat oxu i mbexna xan a fap a in . Nu u i moyna o andtaa a Roog, o mbeq in fo ten a moy o maaka, too nene itam, o mbeq in no ten a maakangaa, xan a tipax in a moy o maak itam .

Deeti a paax a taabul ale refnaa lanq, xorooxi xa penj axe , jeetaayi ne o ŋoowtoona o bug oleene moyna o xoodaa bes fuu refna no fex a Roog too qen fo ten yaa o waadaa mukit um ŋaal o ŋaal .

Nqipoor safku fa Roog

Nanan a Roog no

O NGIM
Hebre 11:6

ŋoow of
Sanj 14:15

A SIMAT
1 PIYEER 2:9



FEX A ROOG

A Cangatin ale 6:4-5; A Kim a tedu ke 31:23; Mace 22:37; 1 Korint 13

Roog o mbeq oo, oxe genna no mbeq , na Roog a genu , too Roog itam no ten a genu. (1 Sanj4:16)



AND A ROOG

Kolos 1:9-10; Efes 1:15-19; 2 Piyeer 1:2-3; 1 Sanj 4:7-8

Kam deetat fop nen kasaara yaam ke moyna o jeg o njiriiŋ no fop, ta ref o and a Kiristaa Yeesu . (Filip 3:8a)



WAAD A ROOG

Hoose 10:12; Esayi 55:6; A Tomatax ake 3:22-25; 1 Caloori ke 16:8-11

O ten na rabdaa we na mbaafan . (Hebre 11:6b)

A Pind a Tedu ke kaa lay a qool qax ee Roog kaa bug xeet fee ten a and oxe ta refna too a mbexin . Roog a yuta too a janganda fop ndax ta dalnatin xeet fee ten , boo da mbaafuuna (2 Caloori ke 7:14; Hoose 5:15). Roog kaa bug xa tepandoong um a and barke fee refna no waafin kam ngipoor ne fo fel a Roog ole na inoora teen : “ Mbaafyo o Yaal oxe fa doole um , ngen no mbaafaa mukit um!” (1 Caloori ke 16:11; A kim a tedu ke 105:4).

Kene refu yegil mbaax ne: Kaa nu ci’el o woof too nqurel ndax nu mbaaf mukit um ,xaye sax sax . Daap ne Roog kam A kim a tedu ke 27:8 kaa lay ee, “ Kam yiifaa ke layoona yee, ‘mbaafyo mukit es ’, xeeŋ es kaa layang, ‘ O Yaal oxe mexe waataa mukit of .”Kaa layaa a in , “mbaafyo mukit es .”Ndiiki, fat i nangiloox o xoy ole – too njaaŋin .

Ke feetlooxeena no tig tādik ke i njagna took , ke na laytaa ne i maaktaa no nqĩpoor in fa Roog (chart.

- Nam bug o waataa mukiit ne Roog ñaal nuu refna a ƀisaa no “and” too “fex” a Roog, too a rimaa o bug o nanan too xacloox no Yaal oxe ?
- Nam waaf mukiit ne no Yaal oxe a nandu no ñoow of ?
- Nam refu ne bogoona o maakit no ngĩpoor naa moyna o magin fo o Yaal oxe ?

A Qef a yoonu fo a Simat: Fop kaa Suptooxaa yaa o waafaa mukit um

Leson 3: Jafe-jafe na qef?

Xar texu jangu fee a soxla o njagnel a qef?

- Yeesu kaa bug jangu fee ten a xedaa.
 - Mark 11:17 “Mbind a qef no qeet ke fop ”
 - Mace 6:6 “Boo nu nqedaa ”
 - Lik 24:49, A pi ake 1:14 “xedaa kili , yoon fo lakas we ”
- Yeesu a **xoolna** ne a qef ale a warna o fi'teel .
 - Lik 11:1-4 “daalbe we kaa laay'u a Yeesu ta cangin a den a qef ”
 - Lik 9:18 “Yeesu kaa xedoogu o teen soom a yoon fo daalbe we ten”
 - Lik 9:28 “a qef ale took o joong olaa ”
 - Lik 22:39 “kaa mer'u o xedtaa no joong olaa no taxar oliw kaa ”
- Jangu fee kaa **ñoxoreel** kam a qef.
 - Ke Bruce Demarest a ga'na : ngap o kiin o leng na fi'aa kiis 5 na qef ñaal nuu refna, pastoor ke a mbi'aa kiis 7 ñaal nuu refna
 - A cangin ale Barna : pastoor ke naangee o nqedaa kaa fadna kiis 30 /kam ñaal leng kut ne
 - Emisyon ne na fokataa fop na qef: 5% no cangu ke na njegaa no ndigil baxtu na qef kam calel ke no Yaal oxe .
- A qef kaa ref ke xelna ndax a suptax a **com'antu** a jeg.
 - A suptax alum jangu fee a fi'aa no mbaax onqe in xaye?
 - Refee o niibaana ole na anda fee ndaa o ñak a qoolaand .
- A qef refu ke na ðisiidaa a **yokax** a tiindigil ale .
 - “Mose o jeg a yokax no ngim onqe no saate mbaat no gox too fertaan wiin waa nanoorna too a mbokatoor a nqedaa.” (Dr. A.T. Pierson)
 - Jafe-jafe in refee o nipaana ole ndaa o ñak a qoolaand .
(Mace 5:14-16, Filip 2:14-16, 1 Piyeer 2:12, Efes 5:8-20)

A qef ale dooyee, kaa o soxla a yokax , a yokax waagee o jeg yaa wiin we a yooneerna na a qef → **O Yaal oxe, jangni a in a qef!**

- Ke moyna soxla'el refu o ga fo a ñaaɓnoɓ o safku no **Pastoor fee** jegna o bug no ke ta fi'aa .
 - Ne jangu a xedtaa yodooxkee muk boo a fod fo a qef ake no aa adax we ten.
 - In pastoor ke , boo i mbugna o and me doole jangu in a fodna na qef, kaa i mbar o ndoon liipir ke na xa ton in .
 - A pi ake 6:4 (dam no xedaa too ref no calel ke na waare fee)
 - A sutax ale 33:8-11 (Moyiis kaa foxtoogu na pexey a lalgand)

"Ke moyankoogaxama refu um jangin o kiin o leng a qef ee wiin 10 waare ." Charles Spurgeon

"Xeeñ le waagee o and ke a kid ake a nga'eerna ." (o fefit no saax laa Bresil)

Xar refu a qef?

Boo i layna ndigil , a qef kaa yaac o ref kaa jom'andina . Moy o jaak ole no Kerceen ke kaa layaa ee kaa mbug o andiloox ke a qef a refna too a maak kam a cangin aleene no ngim onqe . Ndaa koy, leek-leek, a qef ake in naangee o ndefaa dara a refangee “ a lim no ke i mbugna” mbaat “ a lim no soxla”. Kaa i ñak ngiɓoor ne na fokataa a in fa Roog .

Boo i njomko umbatinaa too njofnoox na qef ake no ñoow in, ke moyna jeg o njiriiñ refu eet o jeg o and no ke Biibal fee a jangnitna no **ke a qef a refna fo ke a qef a refeerna**.

Kam a kurup a teɓ, fat nu njeetaay too mbind xa tontax nuun no laamit ke na ngaraa.

- Xar a qef a refu ?
- Xar a qef a refeeru?
- Nam refu ne bugoona maakit kam o ñoow a qef of ?
- Nam refu ne bugoona o ga'it jangu of a maaktaa na qef?
- Xar refu laamit ke jechoona no kaa jofna na qef?

A qef refu ...

A qef kaa ref waxtaan fa Roog

“A qef kaa ref waxtaan le o kiin oxe a jegaa fa Roog . Ke i nqoyaa “a qef” kaa fokat a qef no soxla ke in fo ke no lakas we (a qef fo a qefax), weejil bakaad, a padax, a simat fo o ngidim , too itam Roog kaa layaa fa in na xa tontax um .” (Wayne Grudem)

A qef kaa ref matiid um maamaad le Roog

“A qef a tiindigil kaa ref ne o laaw ole a mattiidtaa na pexey Yiif le Roog, um maamaad le Roog .” (Charles H. Spurgeon)

A qef ale kaa jofneel na Faap fee in refna na asamaan

“A qef alu refna kaa war o eetit yod a kid farna fa Roog fo a kebax o lalit o ngidim fo xeeñ of too fadooxin , too no keene derj ‘Faap fee’ a xoyaa a in . O ngidim no yirmande fee, a simat no ne Roog a refatna Faap in fo o daay ne i mbokateena na xa ßiy axe fo lam ne mbarna o njeg a nqaaj a magnu kam a qef kerceen ale ,too a refangaa ee i mosee o njol meene, i mbara o nqed yaam ke jegna o njiriiñ . Fat ke warna o adoox a adnel !” (J.I. Packer)

A qef kaa ref laamit, waad too xedoox

“A qef kaa ref laamit, waad, fo xedoox o ndimle Roog, yifig , yirmande, o mbeq, o daay , yaakaar fo kuu soxla’oona. No ga ole Roog, kaa ref faap faa mayna fo o mbeq too a fi’aa kuu refna fo katil um ndax ta dimle o ßiy um / xa ßeem . Yaam ne Roog a jegeerna mberandoong fo muukandoong , nene a nandu no waag ole ten ndax ta dimle too no keene, o woop ole i njegna ndax i mbaad o ndimle um jegee ngakan . A qef refu ke na wetanaa o kiin oxe na faafaa ndax ta rok me faafkeerna. A qef na Roog a jofneel ndax ta fadnoor o kiin oxe na faafaa no keene jegeerna ngakan .” (Carl Green)

A qef kaa ref ke na laltaa nqipoor ne i njegna fa Roog

“Kene refu ke a qef a tektaa fa xoox um . Kaa hupood laamit , kaa ref ngipoor, a yoon, jeg o nand ole Roog Faap fee fo Beenqe na pexey Yiif Tedu .” (Samuel Chadwick)

A qef kaa ref xadlloo na Roog

“Fo o niw a Roog, a qef kaa ref soom a andilax no ne fop of a inooraa na Roog fo no ndam um . Yaam ne ta fi’na fop yaam o ndam um, nene, xan a ßoxotel o ndam fo o ngidim na pexey pindel ke ten ; too kaa ref kaa xelna ndax ta laamit keene no we mbarna o ndaaw yirmande um ” (Jonathan Edwards)

A qef kaa ref gore too jeg a posax

“ Xeeñ, o law fo o ñoow kaa mbar o mbokatel na qef . Asamaan fee kaa war o yeg xaa buuq axe na mbi’eel mbaamir Roog . A qef ake kaa mbar o yoon fo fidel . A qef ale felna Roog refu ale fi’teena ne ta waritna too a jeg doole . Yiif ßuußu kaa yaqaa a qef; a qef waagee o ñaac kam kaa nandna nen ndiig. O mbinj o ßuußu kaa yaqaa a qef too kaa suxaa a cur ake na qefax ale ; . I soxla’a fidel ndax a qef ake in a mbi ke i mbugna.” (EM Bounds)

A qef kaa ref ßoxot o ngidim

“ Boxot o ngidim kaa war o jeg a qaaj a magnu na qef ale .Waree jeg njektiran fo ke i ndiirooxaa fo ke i nqefooxaa; mbaat boog, o ngidim onqe donooxkee sen . A Pind a Tedu ke kaa lay a in i matiid a Roog too ndiisin coxla ke in fop i andna fo o ngidim. O ngidim kaa ref a simat fa a andilax no ke Roog a fi’na fo paax ke ten.” (R.C Sproul)

A lalgan no waag o xedit ne ta waritna

(Kaa xottel no, a Qet kaa Suptaa fop, too Bennie Mostert a bindin Carpe Diem publishers)

Xef fo a koorgoorlax fañ o waas

Yeesu a naxooxa a den , ndax ta lal a den ee a mbara o ngen no nqedaa,too a mbañ o mbaas.

(Lik 18:1)

Xed fo yaakaar

Fat I nqoloox o matiid boog gamb no maad le Roog , me yirmande a refna . Xan i ndaawit teen a baasan pakaad, njeg teen yirmande fo o ndimle a mbanuu i soxla'uuna . (Hebre 4:16)

Xedit katil ne Roog yee bugoona xox o paaxeer oxe

Ndiiki koy, ne nu mbogatna no Yaal oxe,mbaafityo no ten doole nuun too ndokoox katil magnu ne ten . Nqotyoo ðonax ke Roog fop ndax nu mbaag o nqox pexey ke no cìy oxe . Yaam i mbaree o maafir fo wiin we , ndaa fo kelfa ke fo sañ-sañ ke fo aa-adax we na yiif ake ndefna ndeer asamaan fa lanq . Ten taxu nqotyoo ndiiki ðonax ke Roog fop . Neene boo andoona yee ñaal mbaaxeer ne a gara, xan nu mbaag o nqox oxe fodna a nuun mbaamir, too satik a cinj yaa nu maafna fop. (Efes 6:10-13)

Ten taxu, neewandooxyo paam Roog. Mbañyo o cìy oxe , too xan a ricatoox a nuun . (Saak 4:7)

And a paax ke o xedaa

Ba nu nqalam dara ! No kuu refna, ndiisyo a Roog coxla nuun , too ngidman itam Roog es koy, xan a daxit coxla nuun fop halal um fo o ndam um na Kiristaa Yeesu . (Filip 4:6, 19)

Xed no Gon le Yeesu

Kuu nu nqedna no gon es xam fi'in , ndax no Peenqe, Faap fee a ðoxotel o ndam . Nu nqedangaa tig no gon es, xam fi'anin a nuun . (Sañ 14:13-14)

Xed fo o ngim

“Ngimyo na Roog . No ndigil , mexe layaa anuun ee : Boo o kiin a gimna no xeeñ um , too jegee a yiif-a-fak, a layangaa o joong olene sax ee: ‘inooxi mene, too jimboox kam o maag ole’ , kaaga xan a jegit ne ta laytuuna . Ten taxu mexe layaa a nuun ee: kuu nu nqedna, ngimyo yee nu ndaawin , too xan nu ci’el o ten. (Mark 11:22-24)

Xed no Yiif le

Neene koy, Yiif Tedu le kaa garaa, a dimle'iid a in, in we neewna doole . I naangee o andaa sax ne i mbarna o nqedit a Roog, ndaa Yiif le fa xoox um kaa xedanaa a in fo a yudnax alaa waagandeena o lay . Roog fee na ga'aa kam xeeñ, a anda ke Yiif Tedu le a bugna o xed. Yiif le koy, kaa xedanaa we mbogna na Roog , ne Roog a bugtuuna .

(Rom 8:26-27)

Kaa koy, nuun we fexuuma, moyyo o njokraa kam o ngim o tedu nqe nuun , nqedtaa Yiif Tedu le...

(Yudaa 1: 20)

Xedit na tegit ake Roog

A tegit ake Roog fop, na “ii” feene no ten a sinje. Boo ten taxu no gon Yeesu soom i laytaa a Roog ee “Amiini” ndax i ɓoxot a Roog o ndam um. (2 Korint 1:20)

Xedit o bug ole Roog

I njega paam um njambaar nene: Boo i nqedna tig, ta yoon fo o bug ole Roog, xan a jaɓ a qef in. Boo i andna yee oxe nan-gilooxaa a in no ke i nqedan, fat i and itam ee i ndaawa ke i nqeduuna boo yut (1 Saŋ 5:14-15)

Xed fo yaakaar

‘Yufginooxaam, too xam jaɓong, yegnong tig maak fo kaa dasna fo kaa andeeroona.’ (Yeremi 33:3)

Roog o maad es, nan-gilooxaam yaa um falalooxang, yaam wo o mat um xedaa. (A kim a tedu ke 5:3)

Ne a teɓ ale fo a kalam a ɓuɓu ke a mbudoortaa na asamaan too nomtooxkee teen a refangeerna kaa nquban lanq ke bo de sap, a ndos a den soo a saxin tuufe-duufe ke, a coox o tuuduuf oxe ax soo oxe na ŋaamaa ta ci’in ŋoowir, nene a nandu na fa lay fee na sutooraa no den es. Nomtooxiidkee na mi o ɓor too fadnee ke buguuma, a fadin ke taxna um lulin. (Esayi 55:10-11)

Xedaa fo o ngidim

Ndokiido na xa ton-maax axe ten, yoonandtin o ngidim, no maax ole no Mbind um fo a simat. Tagaseenoo, simat gon um. (A kim a tedu ke 100:4)

An waagu waag o xoolin ne yirmande fee Roog a magnitna fo ne o and ole ten fo o jeg-yiif ole ten a nqooditna? Kaam ee, an waagu and yuɓ ke Roog? Ndi an waagu o tekit o jaf um? Ne a Pind a Tedu ke a laytuuna yee: “An andu a qalaat no Yaal oxe? An refu oxe eetuuna o ci tig, boo a waag o yaakaar o daawit no ten ndabid? Yaam fop no ten a inooru, a sakoore no ten so a refanin. Roog feene a hela o ɓoxotel o ndam boo faw! Amiini. (Rom 11:33-36)

xedtaa o ŋoow o ɓoxotooxu too a nanan a Roog

Fog es we fexuuma, boo a qeeŋ in a njambeerna a in, i njega njambaar mbaamir Roog. Kuu i nqedaa, no ten i ndaawtan, yaam kaa i ngay kebil ke ten, mbi’aa ke feluuna. (1 Saŋ 3:21-22)

Nu saxangaa na mi, fa lay es a gen na nuun, nu mbaaga o nqed kuu nu mbugna, too xan nu ci’el o ten. (Saŋ 15:7)

xed fo o njaflex fo itam a tipax

Ten taxu, um layaa a nuun ee mbeejliryo pakaad nuun, too nqedanraa a Roog itam, ndax nu mbod. A qef no kiin o jofu kaa jeg doole lool. (Saak 5:16)

Xedti saŋ-saŋ fo mbokatoor ne jechoona na Kiristaa

Roog a nomtiida a in no ŋoow ole kam mbokatoor in fa Kiristaa Yeesu, ndax i maadoox fo ten kam asamaan (Efes 2:6)

Cung o Yaal oxe ta jaɓ a qef of

Ndaa we yaakaarna no Yaal oxe kaa ndaawaa doole fa nqas. Kaa yetaa nen a canjiik, a cufaa too nqijkee, a ŋaaca too ŋakkee doole. (Esayi 40:31)

Ke na yaqaa a qef a refit ne waritna

(From Prayer Changes Everything by Bennie Mostert, Carpe Diem publishers)

Leek-leek, kaa nandaa a in ee a qef ake in kaa nduqaa bom le na ndok ale ndaa njegee maa da mbaagna o suurit . A waaga o jeg tig mayu ke taxuuna . A juga leng-leng na den kaa i limna a dug . Xedi a Roog ta lalong tig lakas ke mbaagna o yaqanong o jeg o ñoow a qef.

Bakaad faa andoona too fañin o weejil

Boo jeg'uuma no xeeñ es njofatar, o Yaal oxe nan-gillookoogiraam ; (A kim a Tedu ke 66:18)

*Ba nu mboog ee o pay no Yaal oxe kaa rap boo waagee o mucil a nuun mbaat nof um a mbefar boo waagee o nan a nuun . No ndigil tooñ ke nuun sattirandu a nuun fa Roog nuun . Pakaad ke nuun o mat na taxan o xuruloox , ndax nan-gillookkee a nuun ..
(Esayi 59:1-2)*

A cuur pangool – fog no a pi a nipaanu ke

“Wo fee o piy no kiin, goor weene kaa saq na qeeñ den pangool ke den , a ndoon mbaamir den pil le na tolofnooraa , a maafnooraa a den na bakaad . Ndax xam jaɓ da ngar me mi? (Heseki’el 14:3)

Mbuge fo a yaaw

*Oxe na suxlooxaa cufginax no ndool onqe, xan a cufginoox ten fa xoox um , too jaapkaand .
(Xa Pefit axe 21:13)*

Ci’ityo too yaaga xan Roog a ci a nuun . Xan nu yiɓadooxanel eedir kaa soqeena, a yo’nel , soo a may boo a ɓaxooxaa. Xan nu eedantel eedir ke nu eedtaa .” (Lik 6:38)

Ngimatar fo jeg a yiif a dak

O kiin a xedangaa a Roog tig, fat a fañ o jeg a yiif-a-fak. A wara o gim ndigil ee xan Roog a ci’in o ten , yaam oxe jegna a yiif-a-fak kaa nand fo a yag-ee-yag akaa nqeñ ne riñaa o mbiñ fo o mbiñ. Baa o kiin um a foog ee xan a daawit tig no Yaal oxe . Kaa ref o kiin a kid-a-faku, a ceek-ceeknaa no kuu refna. (Saak 1:6-8)

Fañ o waasanit fo fuux

*Nu naangangaa o mbaasanaa we tooñna nuun, Faap nuun fee refna na asamaan xan a waasan a nuunitam. Kaa koy, nu naangangee o mbasanta, Roog Faap nuun itam waasankee a nuun ke nu tooñjuuna .
(Mace 6:14-15)*

A pesoorof a paaxeer fo oxe o dolnirtaa

Nuun goor we itam, yaa oxuu refna na nuun a ñoowaa fo o teem fat a and ee mbindeef naa moyuuna o neew doole a refu . Niwyo a den nen waa mbarna o lam fa nuun yirmande fee no ñoow ole ndax dara waagkee o yaq a qef nuun. 1 Piyeer 3:7

O magnandax

Kaa ci a in yirmande faa hupna fop. Kaa nand nen kaa layeena kam a Pind a Tedu ke yee: Roog a faña we na magnandooxaa ndaa a yirma we neewandooxna .” (Saak 4:6)

Waadaa ke faaxna na xoox of soom

Nu nqedangaa a Roog sax , ndax ta ci a nuun tig, ci’kiran a nuun yaam a qefoof nuun faaxee. Kaa nu nqedaa ndax nu mbadina yuxum ake nuun . (Saak 4:3)

Ñak o ngidim

Fat o daay a ref na nuun kili. Naangyo o nqedaa ñaal fo o yeng, no kuu ta waagna waag o ref, ngidimyo a Roog, yaam keene Roog a cungaa na nuun, yaam ne nu mbogna fa Kiristaa. (1 Tesalonik 5:16-18)

O mbeq onqe na adna fee

Ba nu mbex adna fee mbaat tig adna. O kiin a fexangaa adna fee, o mbeq onqe Faap fee refree no ten. Ke cer fo a kid ake a yaawaa, a magnandax yaam kalal adna, tig adna yoo. Kene fop koy, inooree na Faap fee, ndaa na adna fee a inooru. Adna feene koy fo a yaaw um kaa mbaafaa, ndaa oxen a fi'aa ke Faap fee a bugna, xan a maadaa boo kili. (1 Sanj 2:15-17)

Waadaa maa feltoona lakas we

"Boo nu nqedaa, ba nu nand fo yememaar we mbexna o ngenoox a nqedaa kam pind a qef ke fo na xa salit axe no ped ke, ndax wiin we a nga a den. No ndigil mexe layaa a nuun ee: A ndaawa ndabid den." (Mace 6:5)

Fañ o nanan a Roog

Nu ndekangaa xa pay tee kaa nu nqedaa, kam fesaa a nuun o log, yaam ndik um hel o ga a nuun. Kuu nu nduupataa nduupat a qef oo, nan-gilooxkiim, yaam xa pay axe nuun kaa yedin. Pogooxyo, bogdinoox! Fat a pi a paaxeer ake nuun a naang faq, nu mbaas paaxeer ke nu mbi'aa. Aqatooxyo a pi a paax, naaf o cofel, ci a caf oxe na ñagadileel, boxot o waan ole ke refna wargal um, soo o ñaaw oxe nu mbartin. (Esayi 1:15-17)

Ñak o sax na Kiristaa

Nu saxangaa na mi, fa lay es a gen na nuun, nu mbaaga o nqed kuu nu mbugna too xan nu ci'el o ten. (Sanj 15:7)

"Aa adax we na jangu eetaand fee a and'a yee calel kee kaa daaw'el ndaa fadin'afulaand. Ke da andiloox'ina redee ee kaa mbar o ndet kam adna fee fop yaam Kiristaa, ndaa Kiristaa a daawaa adna fee a reefandin na den. Eetand ne, kaa moy'u gecnoor na pi ake no wiin we, no waag, na pi'of fo no daap no kiin. O lakas oxe, kaa andteel na pexey katil ne no ñoow ole Yeesu fo Yiif Tedu le na ñoowaa too a fi'aa katil ne a Pind a Tedu ke a laytuuna. Kaa lultel yaam o ndam onqe Roog soom, ndax yegil mbaax ne a jof mbaamir. A qef ref'ee ndadan no coono ke ndefna kam calel ke Roog. A qef kaa reedu a tipax fo oxe jeg'ina ten soom o jeg yiif ole, a and a fat ale, katil ne fo yirmande no ci apootar we da mbaag o deetaa coono keene nen pexey mayu — pexey no ndam onqe Kiristaa, yaam ne da laltaa katil ne ten kam o neew doole le den.

(Daniel Henderson | Old paths, New Power)

A qef o yoonu fo a simat : Fop kaa suptooxaa yaa o waadaa mukit ne Roog

Leson 4: O ñoow o saadooxu na qef

Ke i njapna, a tipax, a yaaw, soxla fo a muuk ale

Ñak o xed kaa ref ne um laltitaa ee mi jegu a xoox es, too geɓnooxiim na Roog.
A qef = geɓnoox na Roog

Ke **JABOONA** too fañ o waad pexey lakas no ne a qef a warna o adoox no fop.

- Kam o ñoow ole Kiristaa
 - Ñaal 40 kaa ta xooraa too a xedaa ndax ta fer calel ke ten fo wiin we
 - A qef yaa fo batise faa ten
 - Kaa mer'u o inooxaa teelu ndax ta xed (Mark 1:35)
 - A retooga no mbiñ o mbootu ndax ta xed (Mark 6:46, Lik 5:16)
 - A qef kam o yeng ole fop yaa waroona fi a cil a jegu njiriiñ (Lik 6:12)
 - Jangin too lalgand daalbe we ten a qef (Lik 9:18, 28-29, Lik 11:1)
 - A ding ale ref'u me ta moy'ina o bug o retaa (Lik 22:39-40)

Yeesu soom refu oxe soxla'eerna o xed ndaa a fi'aan, ndax ta lalgan we soxla'na a qef too mbikiran, da and ne da mbaruuna o mbi'it.

- Kam o ñoow ole na jangu fa eetand fee
 - A qef ake ndimu jangu ne, a ñoowin na qef, a saytootel na qef too a doxtel na pexey pokatax jegu doole na qef.
 - Xa saar no Nqaariit Nqas ne no kaa jofna na qef:
A pi ake 1:13-14, 24, A pi ake 2:42, A pi ake 3:1, A pi ake 4:24-31, A pi ake 6:4, A pi ake 9:11, 40, A pi 10:9,
A pi ake 12:5, 12, A pi ake 13:1-3, A pi ke 14:23, A pi ake 16:16, 25, Kolos 4:12, Saak 5:13-18
- Kam o ñoow ole no apootar Pool
 - Pool kaa reedu o qeexed xottitna ye ta gimna boo ye ta wareena.
 - A pi ake 14-23, A pi ake 16:25, A pi ake 20:36, A pi ake 21:5: Rom 1:9, Rom 1:9, Rom 15:30-33; Efes 6:18-20; Filip 1-4; Kolos 1-3, 4:2-6; 1 Tesalonik 3:10; 2 Tesalonik 1:11; 2 Timote 1:3; Filemon 4
 - A qef ref ee ke na layaa o ndik no calel ke mbaat a bateer no calel ke no Yaal oxe.
A qef refu xeeñ le no CALEL ke Roog .

A **TIPAX** a motu sik kam calel ke no a qef mbokatoor .

- Roog kaa xoy a in ndax i nqedandooraa.
- Calel ke na qef ale a waaga o tayilnoox too a dom yaam ne ta refna kaa jom'antina .
- Fat o jeg o ga ndax o jaf o xon no kuɓay of , goknoox mbaamir Roog !
- Jegge a tipax alaa hupna o dox xeet of kam teewaay ne no Muumucil in kam a qef.



A **YAAW** a pagkeer no tendaanga fee Roog .

- O Yaal oxe kaa xuraa a in ndax i mbaad mokit um (A Kim a tedu ke 27:4-8)
- A Sutax ale 33:8-11 – Moyiis kam teewaay fee no Yaal oxe
- Rom 15:30 – a tipax ale Pool na qef
- Mbeeñil 4 :11
- A yaaw a paaxeer: oxe tooñna, waadaa ke felna lakas we, maak ne no jangu fee
- Xar refu ke na riñaa a nuun na qef ? (Saak 4:1-3)
- A tipax a leng kut ale warna o jootnel na qef refu ee Roog kaa xel o WAADEL.

DIIROOX kili o ndam onqe Roog kam jangu ne.

- “O ndam onqe Faap fee kaa war o ref ke na diirooxeel fo ke na waadeel, a ref o laaw ole fo o ñoow ole na qef ake in.”
(Andrew Murray)
- Sañ 11:4, Sañ 13:31-32, Sañ 17
- Ke daap ne na muc ale Roog a lalitna : Filip 2:10-11
- Jofnoox no ndam onqe : Galat 1:3-5; Efes 1:6, 11-14, 3:20-21; Filip 1:9-11, 2:10-11, 4:20; 1 Korint 6:20, 2 Tesalonik 1:11-12, 2:13-14; 1 Piyeer 5:10-11; Yudaa 24-25; Mbeeñil 4,5,19

A **MUUK** a paax too a xool no tig com'antu ke jangu ne a refna.

- Mace 16:18 (xam max jangu es)
- A pi ake 4:13 (a and'a yee no we yoonoogna na Yeesu a mbogu)
- A pi ake 4:31 (May fo katil ne no Yiif Tedu le)
- 2 Korint 3:18, 4:1-2, 6-7 (sutoor no ndam rok no ndam onqaa moyna o magin , halal no pand maxte lanq)
- A kaal ndii suk faa yoonna fo masiin



A qef a yoonu fo a simat : Fop kaa Suptooxaa yaa o widaa mukit ne Roog

Leson 5: Yeesu a laya yee , “Fat nu nqedit nene ndaa ba nu nqedit naana”.

Fat o niir Mace 6:5-13.



- Xar refu pokatax tadik ke no wiin we Yeesu a laytaa kam o saar oleeke no kaa jofna na qef?



- Nam waago o xoolnit xa pason xa tadaq axe Yeesu a laytina mene na qef?
- Yaam Yeesu kaa lay’u yee “roki kam a ndok of too xedi na pet”, xedaa fo wiin lakas ?

The King’s Closet, Windor Castle



- Xar nu mboogu ee ten taxu Yeesu a cooxit a qefod aleene?
- Xar refu laamit ke nu njegna na qef?

“Roog kaa xel o tagasel too in i ndef no soxla!”

Ye Yeesu a layna, “nqedityo nene”, ref’ee soom lalغان mbaat no kaa a cil a mayu a waageena o fi .Kaa reedu kebil na kaa faaxna na in fo o ndam um yaa i nqedaa. I ci’aan o mbaag o njeg a nqoox in no jiriñooraa ke o mbaax onqe a cooxtaa nen lalغان mbaat i c’akandoox pexey nene too ndamlloo no jeg yiif in ndax i njeg “a suptax.” O fason a qef ale layteena no ke i nga’iidaa kaa gechoox no ndooran ne no ke daapeena. A qaaj a eetaand ale no ne Yeesu a jangnitna a qef ale kaa xot na Roog, (no ke refna took). A qaaj a dikandeer ale kaa laytaa kaa jofna no kiin oxe mbaat (ke refna a lanq). Keene a waaga o laytel nene no raḅan: **“Kaa yeloor a simat ake. Kaa i ndef no soxla.”** A soḅangaa yee waxtu fee kaa raḅ ndax i nqed, eetit fo o saar na Pind a Tedu ke , cinj kaaga, rok kam a padax ale fo xeeñ xoolu kaa ḅisaa we maaduuna fop kam tendaanga um . Cinj kaaga, xan i suur no waxtu faa i ndiiskan coxla in fo a qoolax. Ke i nqedaa kaa i andan too ndaawtan na pexey a padax ale in.

⁹ “Ndiiki, nene refu ne nu nqelna o nqedtataa:

(A. Roog kaa yeloorin) *“Faap fee in na asamaan, sam gon of a tedlel , ¹⁰maat of a fadiid , ke bugoona a jeg , na adna fo na asamaan .*

(B. Kaa i njeg soxla) ¹¹ *Ci’i in xayee ñoowir no mbeet oo mbeet. ¹² Waasani in tooñ ke in, ne i mbaasantaa we tooñna a in .¹³ Too ba waas a in i ndok no mbog ndaa mucli a in no paaxeer oxe.’ (Mace 6:9-13)*

Yaa i mbetandooxaa a qef ale Yeesu refna kam Mace 6:5-13, kaa um ga’aa yee o mbaax onqe in fo a cangin a paaxeer a mbaag o ḅek a in no duupataa ke layeena boo yut na qef too keene daxkee dara. Ne i mbugna o and a paax too ñoowit lalغان neene a waagna o ñoowdan o ñoow a qef in too a ci a in a cangin a yoonu fo ke i mbugna , fat i njangatin boog jaf leng , ke layeena no “ fat o xedit nene, ndaa ba xedit naana”:

- Xedi ndax o ga dagid le Roog ndaa baa ref o ḅay ole ten soom .
- Boo o xedaa fat xeeñ of o ref no ndam onqe Roog , ndaa baa ref ke bugooona soom.
- Fat a qef of a inoor no halal fee Roog ndaa baa inoor na qalaat of.
- Xedti ne Yiif le a bugtuuna, ndaa baa ref na qalaat no kiin .
- Fat o xedit xeeñ laa mayna fo o bug ole ten ndaa baa ref fo xeeñ laa na yufanaa o bug of fo daap qooxood of.
- Gen no xedaa yaa o waajanaa a ñox ale ndax ndax o jeg o ñoow o ndam me saytaane a fogtang , REFEE no mbiñ onqe moyoonga o fel.
- Xedi ndax Roog a suptong , referee ndax ta supit ke na xewaa.

Oxum no xa pason axe layteena took moyo soxla ndax o supit o ñoow a qef of ?

NDAX KAA I MBAADAA
DAGID LE ROOG TOO I
MBAADKEE SAX O BAY
OLE TEN ?




A qef a yoonu fo a simat: Fop kaa suptooxaa yaa o waadaa tagid le Roog

Leson 6: Xar refu a qef a yoonu fo a simat?

Maafir leng ne gimu mayu a mbaamnoortina xaye refu o ñak a jangin no taalbe mbaat a aqatin na qef, ke hupna sax refu waag o dox lakas na qef. Ne ta jegitna pexey fo daap mayu kaa mbaagna o ndimle'it, mayu a njafa ee a qef a yoonu fo a simat kaa ref pexey naana taxaa o kiin oxe a maak na qef kam cangu ke den, no pokatax fo ndeɓ, fo itam kam xa ñoow den sax. A woora yee refey pexey leng kut ne jegna na qef, ndaa kaa ref ne i nga'na ta ref may doole no waag o dimle pokatax naa sipeena ndax ta njagel o mbaag o nqedandoora, mbaat cangu kaa saxna na qef a leng kut, a mbañ o supit, ndaa a mbi'aa leng kut ke. Ke moyna pisiidaa keene refu:

1. Kaa ref ke inoorna na Pind a Tedu ke. Kaa ref kaa geɓnooxna " na Qef ale no Yaal oxe" mbaat lalgan a qef ale refna kam Mace 6.
2. Kaa riñaa wiin we da ndoon a qalaat den na Roog, ke guutatarina fo da mbi'in no coxla den fo no ke da mbugna.
3. Kaa ref lalgan ndax o jeg a qef ale na ci'taa o ñoow ole waageena yoonandit fo o saar oluu refna na Pind a tedu ke.



A lalgan na qef 4/4

A qef-a yoonu fa a simat kaa fi'el na seek "4/4" a ref lalgan, nen oxe na adooxanaa a kim a fi'itkooguuna, a xottel toqet no saar ale na Biibal fee i qooyaa "A Qef ale no Yaal oxe" refna kam Mace 6.

Ke refna took: niw a Roog

Na qef ale Yeesu a lalganna daalbe we ten, kaa jangin a in ndax i eet o ndoon fop na padax ale ("*Faap fee in na asamaan, sam gon of a barke'el . . .*").

Jofnoox no ke refna took na xoyeel "o niw a Roog». Keene kaa fog na cangin na qef-a yoonu fo a simat. Kaa eetaa ngiin ne Roog, yaam ne i njangna waxtu too a qalaat in fo ngiin in fop a njofnoox no magnel ole Roog. No muukan naa, a qef kaa ref ne um japtaa oxe Roog a refna, na pisiidaa a simat fo o ngidim no ke ta fi'na. Ne anduuma a Roog fee refna, waagataanum o nangiloox too jaapin. O tontax oleene na xoyeel a qef.

"...Faap fee in refna na asamaan, sam gon of a tetlandel." Mace 6:9

A qef a jegu o njiriiñ ake kaa ndonooxaa no:

- Simataa a Roog no ke taa fi'aa /oxe ta refna: a simat ale kaa ref o tontax es no kiin oxe, teewaay fee, katil ne, o magnel ole, o mosel ole, fo o mbeq onqe Roog. A simat kaa ref ɓoxot a Roog o ndam yaam oxe ta refna fo no ke ta fi'na na wo. Keene refu o wooɓ ole moyna o woor ndax o kiin a rok no teewaay ne ten. Yaam ne Roog a refna a cur ale ten fa xoox um; a simat ale kaa sipoox no ke faaxna, ke motna, fo o ndam onqe no sake le ten, oxe ta refna fo ke ta fi'aa no kaa jofna no fop ke wiin we a ndefna.

«O Yaal oxe a magna too jombee o simatel, o magnel um waagan o and." (A kim a tedu ke 145:3)

" Yaag o toox de , wo refu o Tedu xe . Wo na maadaa cay a simat ake Isra'el." (A kim a tedu ke 22:4)

- O ngidim onqe refu o tontax es no paaxel ole, yirmande fee Roog. O ngidim kaa ref simat a Roog yaam ke ta fi'na fo ke ta fi'kaa. Yaam ne a cur ale ten a refna a pi ake Roog, o ngidim kaa layaa no paaxu, yaam ne ta refna oxe na cooxtaa ci'it ke mbaaxna fop too a mot too no kimu xe, ci'it nuu refna kaa faax a mot too a dey o japel .

" Nam um rabditkaa o Yaal oxe , no paax ke ta fi'anaxama fop?" " O Yaal oxe xam boxotong sadax fa ngidmir..." (A Kim a Tedu ke 116:12,17a)

" Na pexey Yeesu, fat i ngen no simataa a Roog , ta ref nen sadax in. Kaam ee, fat i ngen no simattan xa ton in . Ba nu mbeecit muk o mbi'aa ke faaxna, dimle'raa a ndeer nuun . Sadax nandu nene ndefu ke mbelna a Roog ." (Hebre 13:15-16)

- Xediim dara, kam simataa a Roog soom !

Fat o wetit a Kim a tedu mbaat o saar na Pind a Tedu ke: ye o niiraa, fat o laamtoox : Xar o saar olene a xoolnaa no kaa jofna na Roog fo jiko um? Xuri Yiif Tedu le ndax ta ci'ong o and ke o saar ole a layang na Faap fee, o Beenqe fo Yiif Tedu le. Waadi tigil no ngiin ne Roog, a kon fo ngiin ne Roog kam o saar ole o niiraa. Yaa o wetaa waxtu a qef of fat o eet o waad a tagid um kam a simat fo xa delem of .

- Kam simatang yaam wo refu
- Ga'aam katil of kam
- Jook-a- njal yaam ne lalaxamoona yirmande of ye ...

Xa boxanj axaa mbaageena o jiriŋoor na qef kam (Appendix)

- Xedti a kim a Tedu 5 bes fuu refna. (A cangin I)
- Xedti a gon ake Roog fo ke Roog a refna (A cangin II, III)
- Oxe refuuma na Kiristaa (A cangin IV)

Ke jofna a lanq: O tontax / a boxotax

Yeesu a jangna tig fikandeer na qef ale na Biibal fee yee ta layna, "**Maat of a fadiid, ke Bugoona a jeg, na Adna fo na Asamaan . . .**" Kene kaa laytaa o tontax in no oxe Roog a refna kam a qef ne i adinna o bug um, xatna no fa lay um fo itam yaam ke ta bugna took lanq ke. Keene itam kaa yoon fo xacloox ndax Yiif Tedu le a doxong, too kam japaa ke ta bugna, refna nananin too saq xa tim kam o ŋoow es. Yaag o detaqin a xoox of fo boxotoox na taaxaa a waag a fad na waxtu o jaap o xoy ole no Yaal oxe. Kaa ref waxtu a qebax o nanan o bug ole Roog fo fa lay um, ndiirooxaa o nga ke ta bugna a fadnoox kam xa ŋoow in.

Ke Roog a bugna refree soom paax ke moyna magin, tig magnu ke i mbadinna fo ke moyna o faax no ke o kiin a waagna o yaakaar no ŋoow oleene, kaa ref itam kebil Roog. Nene boog, yaam ne Roog a refna Roog, too

Roog refu Faap fee fexna a in refna na asamaan, a qef kaa refataa waxtu fee um waafan, refree ndax um ßisiidin no ga es, ndaa um ga too yoon fo o ga ole ten, waag o and o bug ole ten fo a dat um.

A qef a jegu o njiriiñ kaa njofnooxaa no:

- Xa tontax na simat no xe Roog a refna .
- Andiloox o bug ole Roog too xac'loox teen .
- Nangiloox, xac' Yiif le Roog ta lay fa wo, too o nananin .

Ke refna kam fee: ke na xedeel

Ndiiki, ne i simatna ne ta waritna oxe refna ten soom Roog fa ndigil fee --- too in fop i nqac' xa ñoow in no bug ole ten ---Ndiiki, i mbaagata o ßisiid fo njambaar , coxla ke in fop mbaamir um ndax i nqedin, too and ee kaa i nqedaa "no gon um" fo yaam o ndam um.

"Ci'i a in ñoowir in no mbeet-oo-mbeet. Too waasani a in tooñ ke in, ne i mbaasantaa we tooñna a in."
Mace 6:11-12

Keene kaa ref waxtu faa i mbi'aa a qef ake nqatna na qeeñ ake in a yoon fo ke na laytaa pexey ke fo qipoor ke.

No ndigil, Yeesu kaa lay ee Faap fee in a anda ke i soxla'na boo i ngelko fo nqedan o ten (Mace 6:8). Keene koy refree waxtu faa i layaa a Roog coxla ke in ndaa a qoolax na Roog , ten fee refna oxe andna too a ßisiidaa xa tontax no coxxla ke in. Keene kaa fokat a qef no coxla qooxood of fo ke no lakas we. Waxtu feene kaa fokat coxla ke no mbokatax ne, nen coono ke njegna kam mbokatax ne no gimu we, mbaat no ke moyna o yaaj too a jeetaayteel no njer ne Kiristaa. No keene fop, i andilooxa ee, "...xan Roog a nangiloox coxla ke in fop o yoonanin fo halal um fo o ndam onqe Kiristaa Yeesu." (Filip 4:19)

A qef a jegu o njiriiñ kaa jofnooxaa no:

- Fi'aa a qef o yoonu fo o bug ole Roog
- A qedax ndigil no xe refna no soxla

Xa ßaxañ na qef no muukand ne (a cang)

- A qef kam Nqaariit Nqas ne (A cangin VI)
- A qef no bug ole Roog no jangu fee ten (A cangin V)
- A qef yaam wiin we mo'na (cangin VII)
- A qef ndax a yokax a jeg (A cangin VIII)
- Oxe refuuma na Kiristaa (A cangin IV)

Ke refna tafil: a baaj ale

"Too ba waas a in i ndok no mbog, ndaa mucli a in no paaxeer oxe." ***Mace 6:13 NIV***

O toq oleene no ke refna taful kaa wetandaa a in a ñox ale no yiif le refna mbaamir in, too kaa hupna o njiriiñ, kaa safkandaa yakaar in no ke Roog a yipna na in, Yiif Tedu le. Boo i nqedaa, " Ba waas a in i ndok no

mbog , ndaa mucli a in no paaxeer oxe ,” Kaa i andilooxaa o neew doole in ndax i nqox pog ke fo soong ke no ñoow in bes fuu refna. Kaa i ðoxotooxaa yaam a ñox ale, na doole fee Roog o Baawat oxe in, na pexey katil ne no teewaay um fo a tegit ake ten . Kaa i mbosoox o nanan o Yaal oxe kam a ñaac ale in fo ten fo o ndam onqe nen xa tim axe nqatna na qef ake in. Deeti a tegit ake ndax o aar a xoox of no pog ke, deetlax ke fo pexey ke saytaane na cungang yaa sutooxoona o mbiñ onqe o xedtaa. Keene ka ref o woop o faax ndax o geek no yiif of ke a Pind a Tedu ke a layna yaa o xedaa a soþ o waajanaa a ñox ale .

Efes 6:10-20 kaa coox a in o and o xoolu no pañ oxe in fo katil magnu ne Roog a cooxaa a in kam a ñox yiif aleene. Ponax ke i ñoxorteel nqatee na adna fee, ndaa kaa inoor na Roog, a njeg katil boo a mbaag a njifit sanje ke, soo nduguuñja fop ke yooneerna fo o bug ole Roog (2 Korint 10:3-5).

Pool kaa fapaa a in ndax i “ngomrel ngomir mbaax” ne ta fi’tuuna ten fa xoox um (I Timote 6:12), ref o “qiiixire Kiristaa” oxaa felna oxe adooxanuuna.” (II Timote 2:4), ndax i ndokoox “Ponax ke Roog fop” (Efes 6:11, 13).

Kerceen ke mbaagkee o maaf a refangee kaa i and oxe o pañ oxe in a refna: “Yaam i ñoxoree fo wiin we: ndaa fo kelfa ke fo sañ-sañ ke fo aa-adax we na yiif a paaxeer ake ndefna no niþaan ole. Kaa i maafraa fo katil ne na yiif a paaxeer ake ndefna ndeer asamaan fa lanq.” Kaa i soxla o and pexey ke fo ne o pañ oxe in a ñoxorteel:

“Njagandooxyo, – kaam ee yetooxyo no soong ke saytaane refna o pañ nuun. Kaa widaa nen njogoy ngeexee, a waataa oxaa ta sanikna.” (I Piyeer 5:8)
“...ndax nu mbaag o nqox pexey ke Saytaane.” (Efes 6:11)

Lay ke i ñoowna kam yirmande fee Roog kaa ref Ponax njegu doole yaam o ndam onqe Roog. Layi– xaajri ke Roog a fi’anoonga. Layi a maak, “Roog a fi’a kene too xan a þaatin o fi.” Weejli a pi katil ake Roog, o ndam onqe jeg’oona no camaane ke mbaafna, fo ke o cungaa ta fi no ñoow of.

Fat i mbetandoor ee kaa i maadooxaa kam o ñoow ole na pexey Yeesu. Yeesu a cooxee sañ-sañ fuu refna ; too kaa i lasir fo ten sañ-sañ neene yaam o ten cooxun a in .

Kaa jegna o njiriiñ na qef :

- Rokoox "Ponax ke Roog fop".
- Lay too jegoox a tegit ake Roog na ñox ale .
- And ee xan a jaþ a qef ake.
- Doon yaakaar of no ndam onqe Roog hupna fop .

Ke waageena o jiriiñoor na qef no muukand ne (Appendix)


- Xedi a tegit ake Roog (A cangin IX)

Ke jofna took: O Niwel ole

“Yaam wo jegu maat fo katil fo o ndam na moos boo moos , Amiin.”

Fat nu muukit me nu eetitna, yod a kid nuun farna fo ten kam a simat fo a padax too a yiif nuun a nqalaat ee ten refu o Yaal, katil um fo o ndam um .

Layti a qoolu lesɔŋ ne 4x4 na laytaa na qef gec’noox na Mace 6:9-13 , fi’andoorin fo o yoon of :



A Qef a yoonu fo a simat: Fop kaa Suptooxaa Yaa o Waadaa Mukit ne Roog

Lesonj 7: Fat i njeem!

A Kim a Tedu ke 46

O niwel: An refu Roog?

Bar o xedaa ndax wiin we a nannong , tiye refree waare .
nangilooxi too geenin fop no ke wiin we a qedaa .
xayi Yiif le a doxong .
Fat o niiraa a Pind ake, gimanaa o Yaal oxe , fat a yoon fo a
nangilax , waree o jigid lool.

Niiri too kam a qef , suti tigil ke na laytaa a Roog: o jaɓnooxand fa doole (perj 1); Oxe refna muu refna (perj 1); Oxe na yufgaa kam naqad ke(perj 1); Ted (perj 4); Oxe took-ee-took (perj 4); O ñuxur o jegu doole le (perj 6); O Yaal oxe na maadoodxaa took fop (perj 7,11); Oxe fa in (perj 7,11); njaɓnooxand in (perj 7,11); O Qaaxate adna fee (v8); Kaa ɓisiidaa jam (perj 9); kaa maafaa fañ we ten (perj 9); Oxe yodeena (perj 10)

A lalga na qef:

- Kam simatang o Yaal oxe yaam wo Yufgaam ye _____
- Kam simatang yaam ne ci'axamoonaa doole ye _____
- Kam simatang yaam ne ref'oona (mbaat refoona) fa mi ye _____

O tontax : Nam refu ne waruuma o tontoorit ?

- O Yaal oxe kam weejlaa too xayaa diid es (perj 2) no kaa jofna no _____
- O Yaal oxe , mexee jappa o ndimle of refna meen (perj 5) kam _____
- O Yaal oxe, ɓoxotaa a qalaat es fo yuup es no kaa jofna _____ no katil ne fo sañ-sañ ne no ñuxur of (perj 6)

Soxla ke : Xar refu ke waruuma o qed?

Baxañ ke:

- Kam xedaa doole of (perj 1) ndax _____
- Kam xedaa o mbecekax of fo o daay of (perj 4) a ndeer _____

Qipoor ke:

- Kam xedaa teewaay of fo o ndimle of (perj1) kam _____ (nqipoor)
- Yaam wo geennu a ñoq ake (perj9), kam xedang ndax o jal no _____ ndax o ɓisiid jam fo njofoor.

Waaj le: Mam um retaa ndiiki?

- Xoolooxaam teewaay of fo a saytax of (perj 7, 11) xaye ne um _____
- Xam xoolooxong ndax um jeg o ndam na ñoq ake mi fo _____

O Niwel : An refu Roog?

- Koo yodel (perj 10) ndeer _____

A Qef no leetar ole bindeena we ngenna Efes

O niwel (ke refna took)

- Efes 1:3-14 A siwand yaam calel ke Faap in, o 'Beenqe fo Yiif le
Efes 1:20-23 Kaa i siwandaa a Yeesu nen oxe refna xoox le na jangu fee nuun
Eph 2:1-10 Jook-a-njal, o Yaal oxe yaam ne ci'oona a in o ñoow na Kiristaa

O tontax (ke xotna a lanq)

- Efes 1:19 Xooloox katil ne no Yiif le
Efes 2:19-22 Ñoowtaa nen wiin aa-asamaan fo waa mbogna no pasil ne ten fo ngenand um.
Efes 3:10-13 Jangu fee kaa xooyel ndax ta andnoor kunpa ke ndefna kam yegil mbaax ne
Efes 4:11-16 Oxu fogna na cangu fee , kaa ref o caajal no Yaal oxe
Efes 4:17– 5:2 Woloox ngiin ngiid ne, refat o kiin o qas, rokoox ngiin qas ne
Efes 5:15-20 May fo Yiif le

A qef ake (ke refna kam xeeñ le)

- Efes 1:17-19 May fo o jeg yiif ole, o and, maak no and a Kiristaa
Efes 3:14-19 Myfandel fo o mbeq onqe fo yirmande fee Roog
Efes 4:1-6 ndef leng ne kam njer ne Kiristaa
Efes 4:11-16 We mbogna teen fop kaa ndef jaajal no Yaal oxe
Efes 4:25-32 moy o ñoowtaa to jeg o mbeq nen a Yeesu
Efes 5:21-6:9 A suptax a jeg no qipoor ke
Efes 6:19-20 Fo njambaar, fat o andnoor kunpa ke no yegil mbaax ne

A baaj ale (ke refna tafil)

- Efes 5:3-14 Ñaay kam o tedel, ñaay kam a qoolaand
Efes 6:10-18 Daawit doole no katil magnu ne ten, rokoox a Kiristaa

O niwel (ke refna took)

- Efes 3:20-21 Roog jegu o ndam onqe fop, —dara xoxiran !
Efes 6:23-24 Jam, o mbeq fo yirmande ngatna na Faap fee fo o Yaal oxe Yeesu Kiristaa.

Ke a qef a yoonu fa a simat a rimaa

Roog kaa mboxoteel o ndam! — Leng no ke na xattaa na qef ale na suptaa refu yee wiin we kaa nga’aa o pay ole Roog na jalaa yaam kaa ndok no calel keene na pexey a qef ake den. A qeeñ ake den kaa njagandoox no teewaay um, no katil um fo no yuup ke ten. Mucek ke den kaa yut ndax da lay ee no ten paax ke fop a ngataa. Xa laaw axe den kaa tayaa o mbuuq, “Xa’aa, refree na in O Yaal oxe, refree na in, ndaa fat gon of a poxotel o ndam!” (A Kim a tedu ke 115:1).

No wiin we naangeerna o nqedaa, fop kaa ref njopir too nangee o andilooxaa o pay ole Roog. No we na nqedaa, fop kaa ref njopir, yaam ne da njalandooraa fa Roog na pexey o wooß ole da ci’eena refna a qef. Tige jafeñee o andel. Boo i nqefaa, Roog kaa daawaa o ngidim onqe fo o woor ole no ke na xewaa.

Kaa i tedlandeel! — *Nqoolandel.* Ndax ga’aa o delem oleene kam ke na yegnita ke xewna xaye? No ndigil, xa’aa. O delem oleene refree ole merna o jiriiñoooreel, ndaa ke ta tektaa kaa ref kaa jegna katil. Kaa tekit “kesanel” a Roog. Kaa tekit ee Roog oxe jalaa na mi, me widaxama, fo fa mi ndax ta tedlandaam boo um waag o moy o nand fa Yeesu. O rim o magnu le na qef ale na suptaa, ten refu Kerceen ke na nqedaa, a ndefangaa waa moteerna sax oo, kaa maakaa bes fuu refna boo da mbaagat o mbi tig, o nqalaat, lay too jalaa nen a Yeesu.

Cangu fee kaa maaktaa teen! — Boo a suptax a jegna kam a qeeñ ake, ndaawna a nqoolaand ale no ndigil ne fo teewaay ne Kiristaa, fop kaa suptooxaa yaam o wod-fo-paal ole na jangu fee too calel ke no Yaal oxe a ñaayit ne ta waritna. Yudaa 20 kaa lay ee, “Kaa koy, nuun we fexuuma, moyyo o njokraa kam o ngim o tedu nqe nuun, nqedtaa Yiif Tedu le. . .” A jega safe lakas akaa layna, “Ndaa nuun we fexuuma, fat nu sax, fat nu ngen no ngim o tedu nqe nuun [ngoorgoorlooxaa, ndef nen tabax naana inooxaa took], nqedtaa Yiif Tedu.” Lay ee jangu fee kaa “maakaa”, kaa tekit ee xa ñjoow axe, tolnir ke, pasil ke fo calel ke na jangu fee kaa tabaxeel too a ngeennel, a njeg doole too a ted — na pexey a qef ale na Biibal fee fo Katil ne no Yiif Tedu le .

Adna fee kaa xuytel ! — No xa qiid xa mayu, i nanooga waxtaan jegu o njiriiñ no pexey ne moyna faax ndax i ndaaw we ngimafuleerna fo a suptax ale waagna o jeg na qeeñ ake no we ngimeerna too a ngaraa jangu . O leetar o eetand ole Korint 14:25 refu o penj o leng kut ole kam Nqaariit Nqas ne na laytaa no nqoolu ke o kiin oxaa gimafuleerna , ga’ina ke jangu fee a ñjoow’ina a soß wiin a nqedoogu. Keene kaa tektaa, boo Yiif le a jalaa kam xeet fee Roog, too ndigil ne a niwel kam mbokatax ne, kaa lay ee o kimeer oxe ga’aa keene kam xa ñjoow axe no gimu we too “ ke dasna no xeeñ um kaa feeñleel , too nene, ye ta genooxna na caf um, a gung a lanq, xan a fadoox a Roog too a yegnit ee Roog oxe a ndeer nuun no ndigil.” Gimaam ee kene kaa ref a cangin a qoolu no ndam onqe, (tewaay ne) Kiristaa a ndeer xeet fee ten.

Daalbe eetand we, “maydanna a Yeerusaleem” fo a cangin ale den too “a njaxas adna fee” (A pi ake 5:28; 17:6), no ndigil a nquyta we andooxan’ina a fat ale na jamaane faaga . Yee aa-adax we no Yaawur we a laamitna a Piyeer fa Sarj , kaa lay’el ee “ Yaa da nga’na njambaar ne Piyeer fa Sarj, kaaga a beta a den lool , yaam a and’a yee a cang den godee. Kaa koy, a and’ata yee no we yoonoogna fa Yeesu a mbogu itam” (A pi ake 4:13).

Refree yee wiin waa nqoolna , mbaagna fa lay , a may pexey, Kerceen ka njegna o ga, Kerceen kaa mbaagna adooxan , Kerceen kaa mayna kalal, Kerceen kaa yaawnooxna, Kerceen kaa njangna, Kerceen kaa na njalaa, mbaat Kerceen kaa nqoolna o dek. Keene fop kaa ref ciko paax , too a mbaag o ndimle’it na waxtu faa da soxla’eena — nen yaa o tabaxaa mal maak no kaa jofna no ngim too jikooxaa a safe . No muukand, adna fee

kaa suptooxaa na pexey Kerceen kaa tedlandeena to na den o ñoow ole Yeesu a ref kaa feeña na kid ake no wiin we fop .

O pañ ɔxe a andnooree ke na xewkaa ! — Saytaane waagee o and fop. Kaa hup a kiin too a jeg doole, too a yaaj a mayu na yiif a paaxeer na yoonan , ndaa waagee o and a qalaat ake in. Ke ta waagna o fi rek refu ta deet a pesoorof in , a nangiloox ke i mbaxtaantaa, too a geenin pexey too a deɓ a in a kas fidel ndax ta fog a in no yiif —a geɓnoox no ke waagna o gaañ a in fo no ke i merna o mbi’aa .

Bo i merna o ñoowaa a suptax ne i mbaadaa dagid le Roog , pexey ke no pañ ɔxe ndax ta maaf , a gooynoor , ñak o yetoox , mbaat yaq a in xan a soɓ a in i ndoon xa ñoow in na Yeesu fo o ndam onqe na inooraa no jeg nqĩpoor fa Yeesu . Kam o njaaxdataand um, saytaane kaa ga’aa a in i nqedaɗ , ndoon yaakaar in na Roog , too moy o njeg o nand ole no Yaal in . Saytaane a anda ee kaa i mbapoox no mbaag o ndaaw a tegit ake na suptax ale yaam o Muumucil ɔxe.

Fa Lay fee Roog kaa layin a qoolu.

Kolos 4:2 Nuun fop, fat nu njof mbaamir na nqef, yokoox teen , ndef no ngidim .

1 Tesalonik 5:17 Fat nu nqedaɗ boo kili

Ɗik ke fop kaa ndef kebil ... Keene kaa tekit, o ñak jot ole, gadoox a toq a mayu, xa piy xa mayu, calel mayu, ñak a qebax , o and o neewu, etc., mbaagee o yaqan a in i ndef waa njegna o daaw ndax i qed . Roog kaa cungaa a Kerceen fuu refna ta fapoox na qef, a xedaɗ kili.

Xa saar xa lakas : A kim a tedu ke 32:6, Esayi 55:6, Yeremi 33:2-3, Mace 7:7, Lik 18:1, Saɗ 16:24, Rom 12:12, Efes 6:18, Filip 4:6, 1Tesalonik 5:17, Saak 5:13,16

A qef refee soom laamitaake bugoona ndaa kaa ref xur o maad ɔxe .

Hebre 4:16 Fat i nqoloox o matiid boog gamb no maad le Roog me yirmande a refna . Xan i ndaawit teen a baasan , njegit teen yirmande fo o ndimle a mbanuu i soxla’uuna .

Kaa nu nqedaɗ ndaa nu naangee ndaawaa ke nu nqedaɗ, yaam a qetof nuun faaxe, kaa nu nqedaɗ ndax nu mbadin a yuxum nuun (Saak 4:3). Ndax o xedit ne ta “waritna”, fokati teen a yaaw a suptooxu . Na qef, a qef ndigil, kaa i eetaa o njeg a qalaat ake Roog : saq a yaaw ake nqatna na Roog , jeg o mbeq no ke Roog a fexna, diirooxaa ke Roog a bugna . O ndang-o-ndang, kaa i njangaa ndax i njeg o ga ole ten no ke na xewaa .

Xa saar axaa na laytaa kaa jofna no bug ole Roog fo na qef: Mace 26:36-42, Saɗ 14:13-14, Saɗ 16:23, 1 Saɗ 5:14-15

A cang I: A kim a tedu 5

Pray Five Psalms a Day

Day	Psalms				
1	1	31	61	91	121
2	2	32	62	92	122
3	3	33	63	93	123
4	4	34	64	94	124
5	5	35	65	95	125
6	6	36	66	96	126
7	7	37	67	97	127
8	8	38	68	98	128
9	9	39	69	99	129
10	10	40	70	100	130
11	11	41	71	101	131
12	12	42	72	102	132
13	13	43	73	103	133
14	14	44	74	104	134
15	15	45	75	105	135
16	16	46	76	106	136
17	17	47	77	107	137
18	18	48	78	108	138
19	19	49	79	109	139
20	20	50	80	110	140
21	21	51	81	111	141
22	22	52	82	112	142
23	23	53	83	113	143
24	24	54	84	114	144
25	25	55	85	115	145
26	26	56	86	116	146
27	27	57	87	117	147
28	28	58	88	118	148
29	29	59	89		149
30	30	60	90	120	150
31	119				



A cang II: A Kon ake Roog

A jega a kon akaa mbadna teemed, ne Roog a xoyteel fo ne ta anditeel kam Biibal fee , xottitna no Mberaand naa boo no mbeeñil . Kene kaa ref a kon a leng-leng no weene . Sam da ðisiid a qef a jegu doole too a may fo o daay . Ye Yeesu a jangnaa daalbe be ten a qef, kaa lay ee kaa i mbar o eetit “Faap fee in na asamaan , sam gon of a tedlandel.” Kaa i mbar o eet o njofnoox na Roog boog yut soo sogkaa o topatoox wiin we mbaat coxla ke taxna i ngedaa.

“ We andna gon of , kaa ndoona na wo a koolax den , wo o Yaal oxe, mosiro o xay oxe na waadang.” A kim a tedu ke 9:10

Eloyim: O Saasak Oxe

No Mberaand naa 1:1, 26-27; A Cangatin ale 10:17; Esayi 43:7; Kolos 1:16

Adonayi – O Yaal oxe fo o Caajangin oxe

No Meraand naa 15:2; A Kim a tedu ke 123:2, 145:14-15; Mace 10:34-40; Lik 14:25-27; Sanj 13:13-16; Rom 10:8-10

El Eliyon – Roog fee hupna fop, Oxe na maadooxaa took fop

No Mberaand naa 14:19-20; 1 Sami’el 2:6-10; Esayi 14:24, 27, 46:9-11

El Roi – Roog fee na ga’aa fop

No Mberaand naa 16:13; A kim a tedu ke 9:1, 139:7-12; 2 Tesalonik 1:5-10

El Shaddai – Oxe na cooxtaa boo ta dey, Oxe i ndeyloorna, O Tiidimle in

No Mberaand naa 17:1-8; 2 Korint 12:9-10

Jehovah –Mi refu oxe refuuma , O leng sakiran, Oxe andna fop

No Mberaand naa 2:4; A Sutax ale 3:13-15; 34:5-7; Hebre 13:8; Mbeeñil 1:8, 22:13

Jehovah-Jireh – O Yaal oxe xan a ðisiid

No Mberaan naa 22:8, 22:14; Esayi 31:1; Mace 6:11; Sanj 5:21; Rom 8:32, 10:13; Filip 4:19; Hebre 9:27-28

Jehovah-M’Kaddesh – O Yaal oxe a Tedlandaang

A Sutax ale 19:2-6, 31:13; A Padax ale 20:26; Efes 5:25-27; 1 Tesalonik 5:23; Hebre 10:10-14, 12:14

Jehovah-Nissi – O Yaal oxe refu o Baawat oxe in

A Sutax ale 14:13, 17:15-16; A Cangatin ale 20:3-4; Hebre 7:25

Jehovah-Qanna – O Yaal oxe kaa Naal

Asutax ale 20:1-6, 34:12-17

Jehovah-Raah – O Yaal oxe refu o Kaynaak es

A Kim a Tedu ke 23:1-6, 100:3; Esayi 53:6; Eseki’el 34:11; Sanj 10:1-17, 10:27, 21:17

Jehovah-Rophe – O Yaal oxe kaa Wodandaa

A Sutax ale 15:22-27; 2 Maad we 20:1-5; 2 Caloori ke 7:14; Esayi 19:22, 53:5; Lik 4:18; 1 Piyeer 2:24-25

Jehovah-Sabaoth - O Yaal oxe Hupna fop

1 Sami’el 1:1-3, 17:42-47; Yeremi 20:11-13; Malaki 1:10-11, 1:14

Jehovah-Shalom – O Yaal oxe Jam oo

A Padax ale 26:2-6; Esayi 26:3; Yereimi 29:11; A Kim a Tedu ke 119:165; Rom 5:1-2, 15:33; Filip 4:4-7

Jehovah-Shammah – O Yaal oxe xey Meen

A Sutax ale 13:20-22, 23:20-22, 33:12-15; Yosuwe 1:5; John 14:2-3

Jehovah-Tisidkenu – O Yaal oxe refu o Cofel in

Yereimi 23:6; Mace 5:20; Rom 3:21-22, 6:16; 2 Korint 5:21

A qoolaand adna (Sanj 8:12)

Mbuuru ne no Ńoow ole (Sanj 6:35)

Ndokand ne (Sanj 10:7,9)

O Kaynaak o Paax oxe (Sanj 10:11)

A fat ale, Ndigil ne, o Ńoow ole (Sanj 14:6)

A Qontax fo o Ńoow (Sanj 11:25-26)

Ndaxar Biiñ ndiindigil ne (Sanj 15:1, 5)

Alfa fa Omega (Mbeeñil 22:13)

O Xoor ole ne'eena mbuŋa (Mbeeñil 22:16)

O Kelwaar Jam (Esayi 9:6)

Faap fee na Refkaa boo kili (Esayi 9:6)

O Yaayaal o jegu doole xe (Esayi 9:6)

O Peenqe Roog (1 Sanj 4:15)

O Peenqe no Kiin oxe (Mace 20:28)

O Muumucil (1 Sanj 4:14)

O Baawat (Galat 3:13-14)

O Yaal a Saxad ale (Lik 10:2)

Oxe mosna mos o ref o Maad, Xonkee muk , waagaand o ga (1 Timote 1:17)

A cang III: Ke na laltaa oxe Roog a refna

Ne Roog a andnoortaa a xoox um fo a kon ake ten njegna ke ta tektaa, o ten itam kaa feeñlel no nand um fo no ciko um. Ne andoona koy ee i mera o nanaa ke na laytaa ke Roog a refna, too i ndef no yaadax yaa i laytaa kaa jofna no tedel um, o cofel um, fo o mbeq o mbagkeer onqe ten , ngiin ne ten kaa jeg o njiriiñ o magnu too a waaga o jaaxdat a in yaa i nqalaatan .

Kaa i mbi'aa paax yaa i mbaadaa maa i anditna oxe Roog a refna. Nam ta nandu? No xar ta nandu fa in , too na xar ta guutatiru fa in ? No ke moyna o xool, no xar i nandu fo ten ? Too ke i mbugna refu o njeg a posax a safku ndax i moy o maak too qupu kam o ñoow ole refna ref “ nitaal ne” ta yuup'ina yaaga .

Kaa i matiidan too moyin o and yaa i nqayaa a Pind a Tedu ke a fox a qef ake in – too njang o njiriiñooraa fa Lay fee ten ta ref a qef ake in sax-sax. Boo i saadooxna no ngiin ne fo jiko ne Roog, xan kene a dox a in kam waxtu a padax fo a simat .

O Pakgeer : Roog jegee mberandoong too jegee muukandong . Jegee muukandoong nen waxtu fee mbaat ne o kiin oxe a anditna waxtu fee ne ta faaftaa . O ten geennu baxtu ke fo jamaane ke .
(A Cangatin ale 32:40; Esayi 57:15; Mbeeñil 1:8)

Gore: Roog koy suptooxee na tegit ake ten . Waagee o ñak o fi muk ke a tegit ake no barke mbaat xate. Yaam ne ta waageerna o maaß, kaa gore no fop ke ta layna .
(A Cangatin ale 7:9; A kim a Tedu ke 146:6; 2 Timote 2:13)

Faax : jiko ne Roog neene na taxa ta ci lakas we too refkee yaam a koorgoorlax den.
(2 Caloori ke 5:13; A Kim a Tedu ke 106:1; Nahum 1:7)

May fo Yirmande: Roog fee in kaa waasantaa . O paaxel um fo yirmande um na taxa bo damtikee a in pakaad ke in;ndaa kaa jagandand a in a dat fo pexey ndax i muc .
(Nehemi 9:31; Esayi 30:18; 2 Korint 9:8; Efes 1:6)

Ted : Roog kaa faax too o mot . Kaa ted no fop .
(A Padax ale 19:2; Esayi 47:4, 57:15; 1 Piyeer 1:15)

Naangee o suptooxaa : Roog o leng kut oo no xe ta refna, no jiko um , fo no bug um itam . Naangee o suptooxaa too waagaan o supit.
(A Lim ale 23:19; A Kim a Tedu ke 102:25-27; Malaki 3:6; Hebre 13:8)

Jegee camtirand : Roog fee sakna adna fee naangee o fi'aa camtirand mbaat moyatirand . Naange o damtaa o leng na in no pakaad um , ndaa kaa ci a in fop yirmande um .
(A Cangatin ale 10:17; Yob 34:19; Rom 10:12; 1 Piyeer 1:17)

Waagaand o and boo ta fag : Yaam ne ta refna Roog, kaa hupood ke o kiin a waagna o xalaat. A fat ake ten , jiko um, fi a pi um kaa nqupood ake in . Ke ta bugna o feeñil soom i andaa.
(Yob 11:7; Esayi 55:8-9; Rom 11:33)

Jegee ngakand : Roog koy jegee ngakand mbaat ta fiisanel maa ta warna o day .
(1 Maad we 11:7; A Kim a Tedu ke 145:3)

Naal : Roog mosee o bug o xaajrel o ndam onqe ten fo mbindel nuu ta waagna waag o ref , mbaat ta waas xeet um ne ta watna. O tedel um japee o fokatel fo lakas mbaat fañin o nanan.

(A Sutax ale 20:5, 34:14; Yosuwe 24:19)

Jof: Na pi a ke ten fop, Roog jegee teen moyatirand leng. Ta ref o kiin, malaaka ke , a yiif a paaxeer ake, kaa fodrandaa a den fop yaa ta rabdaa o cofel mbaat ta xawaa bakaad. Yaam ne ta andna fop, fop ke ta bugna o fi kaa ref tig paax too a jof. (A Lim ale 14:18; A Kim a Tedu ke 89:14; Rom 3:25-26)

Kaa muñ: Fuux jofu le Roog yoopee o biltooxan we naangeerna o nalgilooxaa mbaat a mbañ o nalgiloox kebil ke ten . O bug o magnu le ten no ke moyna o faax no pindel um refu ke safkandna o jofel o tedu le ten . (A sutax ale 34:6-7; A Kim a tedu ke 78:38; 2 Piyeer 3:9)

May fo o mbeq: Katil ne Roog nene taxu ta ðoxotoox yaam lakas we , boo a ðoxot o ñis um . Kene taxu ta bugan laks we ke moyna o faax too xalaatee a xoox um sax . O mbeq onqeene doonaan na koorgoorlax mbaat na pi ake no xe fexeena.

(1 Caloori 16:34; Yereimi 31:3; Rom 5:8; 1 Sañ 4:7-11)

May yirmande: Roog kaa ref oxaa mayna yirmande . Kam a pi um, kaa laltaa yirmande took no we ndeeferna o bug um too a ndeefan o bug den fo a fat qoox den .

(A Cangatin ale 4:31; A Kim a Tedu ke 62:12; Mise 7:18; Rom 9:14-16)

Kaa waag fop: Roog jegu sañ-sañ ke fop. O ten na sakaa kuu ta bugna fo nuu feltuuna, a jiriiñoor kuu feluuna . (No Mberaand naa 18:14; Yob 42:2; Yereimi 32:27; Efes 3:20-21)

Oxey muu refna : Roog kaa ref muu refna , kam adna fee fop, na waxtu fuu refna , fo ne ta fodna fop.

(A kim a Tedu ke 139:7-10; Xa Pefit axe 15:3; Yereimi 23:23-24;Hebre 4:13)

Kaa and fop: Roog a anda fop. A juga o and no kuu refna , ke faafna, ke xaye fo ke na garaa.

(Yob 37:16; A Kim a Tedu ke 139:1-6; Xa Pefit axe 5:21; Rom 11:33)

Kaa jof: Roog kaa faax . Keene kaa ref ke fogna no ten . Waage o fi paaxeer mbaat jofafaru . Too no ke falakna, yaam ne ta refna Roog, kuu ta fi'na , kaa jof .O leng moyirand o jof . A pi ake ten kaa yoonaa fo oxo ta refna , refna o mbeq .(A Cangatin ale 32:4; A Kim a Tedu le 119:142; Hoose 14:9; Mace 5:48)

O leng sakirand : Roog koy , geɽnooxee no dara ndax ta ref oxe ta refna , ndaa na Xoox um . Ne ta refna, kaa doonoox na xoox um sax . A jeg'a jamaane faa dara a jeg'eerna ndaa Roog fa xoox um a jeg'a. Jegee dara ke damtuuna ndax ta sak a xoox um . (A Sutax ale 3:14; Sañ 5:26)

Kaa doylloor a xoox um: Na pexey xoox um, Roog a waaga o jal, ndax ta fadin o bug um too o leng dimle'kirand. A soɽangaa sax ee a waaga o jil o jiriiñoor tig, kaa ref kaa feluuna, ndaa a waagaan o ñak o fi.(A Kim a Tedu ke 50:7-12; Esayi 40:14; A pi ake 17:24-25)

O ten na madooxaa : Roog refu oxe hupna sake le fop . Jegee o kiin o leng mbaat tig kaa refeerna yoor a sañ-sañ ne ten fo ðaap ne ten ta feeñilna . (Yob 9:12; A Kim a Tedu ke 99:1; Dañel 4:35; A pi ake 4:24-28)

O ten hupu fop : Roog faru took sake le ten , too a refkooga , a soɽangaa sax ee sake le jeg'ee . Ne ta refna koy geɽnooxee no sake le mbaat no pindel ke ten . (Esayi 43:10, 55:8-9)

Ndigil : Fop ke Roog a layna ndigil a refu. Wiin we a ngimin mbaat da ñakin o ngim, ta ga’el nen ndigil mbaat ta ñakel o ga nen ndigil, boo Roog a layuuna, ndigil a refu . Fop ke ta layna kaa refataa ndigil ne i andtuuna. (1 Sami’el 15:29; A Kim a Tedu ke 31:5; Tiit 1:2; Sañ 5:20)

Jeg yiif : a pi ake Roog kaa ngeɗnoox no jiko ne ten na taxaa boo juumkee no ke ta fi’aa fo ne ta fadnita daap ke ta fi’na. (Yob 12:13; Esayi 40:28; Dani’el 2:20; Saak 3:17)

Kaa fuuxaa : A jega na Roog kaa waageerna o yoon fo njofatar too kaa xeboox o xaw njofatar . Fop ke waageerna o yoon fo ten kaa war o doxel no muukandoong na . (A Sutax ale 34:6-7; 2 Caloori ke 19:2; Rom 1:18; Hebre 10:30-31)

A cang IV: An refum na Kiristaa

Ne i nqedanraa a ndeer in, waadi pexey ndax o xed no tigil kene kam a qeeñ ake fo a yiif ake no we njaɓna a Kiristaa nen o Muumucil.

Roog kaa japaam fo ne nanduuma

- Kam ref o rukit olaa woosteenaa no fidel (Sakari 3:2)
- Kam ref o ndeɓandoong Roog na pexey o ngim es na Kiristaa Yeesu (Sanj 1:12)
- Kam ref xaariit Kiristaa, kaa xooyaxam no gon es , too gon es a bindel na asamaan (Sanj 15:15)
- Kam jofantel yirmande um, nene boog, jegataam jam fa Roog (Rom 5:1)
- Kam ref o lam Roog, war o lamandoor fa Kiristaa ke regteena (Galat 4:7)
- Kiristaa kaa jiktaam njigand maak, a wataam no sañ-sañ ne no pañ oxe (1 Korint 6:19-20)
- Kam fogat no gimu tedu we (Efes 1:1)
- Kam refat o piy Roog, fogat no ɓasil um (Efes 1:5)
- Kam moofnel fa Kiristaa na asamaan, too hupat sax katil ke Saytaane (Efes 2:6)
- Wagataam o genoox mbaamir Roog (Efes 2:18)
- Kam ɓisel kam maat ne no Peenqe Roog (Kolos 1:13)
- Roog kaa wataam too a waasanaam pakaad es (Kolos 1:14)

Kaam ref no woor

- Jegatee a qaw a leng took es (Rom 8:1-2)
- Andaam ee Roog kaa jalaa no ñoow es yaam kaa xooyaam no yuup ke ten (Rom 8:28)
- Saytaane o caajamb oxe waaganatiraam dara. Oxe Roog a cilna, o leng waagiran o jamb (Rom 8:31)
- Dara waagatiraam o sattiran fo o mbeq onqe Roog (Rom 8:35)
- Roog safkandaxam too a jilaam (2 Korint 1:20-22; Efes 1:13-14)
- Kam das na Roog na pexey Kiristaa (Kolos 3:3)
- Jegaam a koolax ee xan Roog a fadin ke ta ferna no ñoow es (Filip 1:6)
- Kam ref o kiin o aa-asamaan (Filip 3:20)
- Kam jegat a qalaat a qas na pexey Yiif le Roog (2 Timote 1:7)
- Jegataam njambaar no ngim onqe mbaamir Roog (Hebre 4:16)
- Kam ref o piy Roog , too o paaxeer oxe duqkiraam (1 Sanj 5:18)

Kaam jeg o njiriiñ

- Kam ref o jem fo a qoolaand kam adna fee (Mace 5:13-14)
- Kam ref o par no ndaxar biiñ ndii-ndigil ne (Sanj 15:1, 5)
- Roog kaa jilaam ndax um saq xa tim axaa ngenna na mi (Sanj 5:16)
- Kam ref o seede no ke Kiristaa a fadinna (A pi ake 1:8)
- Kam ref mbind ne Roog, Yiif um a gend na mi (1 Korint 3:16)
- Kam ref o caajal Roog (2 Korint 6:1)
- Kam ref oxaa Kiristaa a lulna (2 Korint 5:20)
- Kam ref mbindel Roog , saktel na pexey Kiristaa (Efes 2:10)
- Waagaam fop na pexey Kiristaa fee na dif'axam. (Filip 4:13)
- Kiristaa oxe fa mi. O ten hupu oxe refna na adna fee (1 Sanj 4:4)

A cang V: Xedaa no daap ke Roog a jegna no jangu fee ten

- Ndax i mbaadik we mo'na ne Yeesu a fi'tuuna. (Lik 19:10)
- Ndax i mbaare me i ngenna fo me widna a in. (A pi ake 1:8)
- Ndax i mbadfoox a Roog no yiif fo ndigil . (Sanj 4:22-24)
- Ndax i mbex a Roog fo a qeeñ in fop , fo a yiif in fop, fo xa law in fop , fo doole in fop. (A Cangatin ale 6:5/Lik 10:27)
- Ndax i mbaag o moy o nand fa Yeesu . (I Piyeer 2:21)
- Ndax i mbaag o ndef daalbe Yeesu no ndigil . (Lik 9:23-26, 57-62)
- Ndax i maak too njeg doole no ngim onqe,nqoloox a Roog no tig magnu ke ta regitna. (Rom 4:20-21)
- Ndax i ndef waa na mbi'aa daalbe , njagnitaa fop ke Yeesu a heblitna . (Mace 28:19-20)
- Ndax i mbaag o nqedtaa ne ta waritna fo katil . (Hebre 4:16, I Tesalonik 5:17, I Timote 2:1-2)
- Ndax i mbaare "fa Lay fee". (2 Timote 4:2)
- Ndax i safakinraa a ndeer in ñjaal nu refna . (Hebre 10:25)
- Ndax i ðoxot a Roog cer in nen sadax faa na ñoowaa . (Rom 12:1-2)
- Ndax i mbesoorkatee nen xa caac' ndaa nen waa maakna no ngim onqe. (Hebre 5:12-14)
- Ndax i ñoowankatee a qoox in , ndaa a Kiristaa . (2 Korint 5:15)
- Ndax i mbaas o mbeq onqe na adna fee . (I Sanj 2:15-17)
- Ndax i ndef jangu faa ñakna sik too jegkee gak leng. (Efes 5:27)
- Ndax i mbaag o nqool too ted . (Mace 5:48, I Tesalonik 4:3,7; I Piyeer 1:16)
- Ndax i mbaag o mboloox ceeq too ted. (I Korint 6:19-20)
- Ndax i ndeeraa a cu'ax ale no Yaal oxe , mbog o liir . (A pi ake 2:42-46)
- Ndax i njangin, mbaajan , lul, too ndimle jaajal we Roog. (A pi ake 13:2-4; 16:5-10)
- Ndax i may fo Yiif Tedu le . (Efes 5:18)
- Ndax i yar xa ðiy in, njangin a den too maaffoox a den no Yaal oxe. (Efes 6:4)
- Ndax i mbaaskee muk mbokatax ne no gimu we . (Hebre 10:25)
- Ndax i ñagadilkee xa" tepandoong axe." (Mace 19:14)
- Ndax i andiloox too ñoowdand ci'it ke Roog na in . (I Korint 12, Rom 12, Efes 4)
- Ndax i ngimanaa o Yaal oxe. (Efes 5:19, Kolos 3:16)
- Ndax i ngidmaa no kuu refna , noo pel mbaat no pedaru. (I Tesalonik 5:18, Efes 6:20)
- Ndax i cooxitaa ke dalna a qeeñ in too refkee fo a tagid a ñooðu. (2 Korint 9:6-10)

- Ndax i nqooloox a Roog ta wodand cer ke in . (Saak 5:14-16)
- Ndax i mbeejil pakaad in, tooñ ke in fo o neew doole in a ndeer in. (Saak 5:16)
- Ndax i mbaag o cooxit xa tontax xa paax no ka jofna no ngim onqe . (I Piyeer 3:15)
- Ndax i mbañ, nqox o ciy oxe too xan a god a in . (I Piyeer 5:8-10, Efes 6:10-18)
- Ndax i mbaasnoora a ndeer in . (Mace 6:14-15, Efes 4:29-32)
- Ndax i mbog na cu'ax ale no Yaal oxe , too nqottin ne ta waritna . (I Korint 11:26-30)
- Ndax i ndeefan lalga ne o Yaal oxe a fi'na na batise . (Mace 3:14-17)
- Ndax i mbexir a ndeer in, boo adna fee a ga too a gim . (Saak 13:35)

Boo i nqedaa no yuup ke Roog, kaa i ndefaa no woor. Yuup ke ten ñakkee o mbadnoox muk. Iyo kañ, yuup ke ten kaa da mbadnooxaa kili .Boo i nqedaa no yuup ke ten , kaa i nqedaa kam “o bug ole Roog” too yoonandin fo Yiif le . Jegge pexey naa hupna neene ndax o duq xeeñ le Roog .

A cang VI: a qef kam Nqaariit Nqas ne

A juga a qef a jegu o njiriiŋ kam Nqaariit Nqas ne kaa i mbaagna o nqedit a Roog too njegoox a den itam . Kene kaa ndef a qef a leng leng akaa nqotteena no xa leetar axe Pool a bindna .

Rom 15:5-6

Yaasam Roog fee na muŋantaa ; too a yaalaa ; a fi boo nu mbaag o ŋoowaa no njofoor a ndeer nuun , ndeefin ne Kiristaa a laltituuna , ndax no ŋuxur o leng kut , nu ɓoxotaa a Roog Faap no Yaal in Yeesu Kiristaa o ndam .

Rom 15:13

Yaasam Roog fee na ci'taa yaakaar a mayfand a nuun fo o daay fa jam fa ndeyu sik na pexey o ngim onqe nu njegna no ten , ndax nu mbaag o may muut fo yaakaar inooru na doole fee no Yiif Tedu le.

Rom 15: 30-33

Fog we, yaam Kiristaa fee refna o Yaal in fo yaam o mbeq onqe Yiif Tedu le a ci'taa , kam xedaa a nuun nu yoon fa mi , maafrel , nqedanaam a Roog . Nqedanaamo ndax um muc no gimataru we ndefna kam Yudee , nqed itam ndax o ndimle nqeeke um ɓisaa xeet fee Roog kam Yeerusaleem a japel a paax . A reftangaa neene , too ta fel a Roog , xam fadtiid o daay o maak soo gif a ŋootnax me nuun . Yaasam Roog fee na ci'taa jam a ref fa nuun , nuun fop . Amiin.

2 Korint 1:10-11

Roog feene o mat refu oxe wat'ina a in na fa nqon feene , too xan a wataxin a in . Nuun itam, nu langantangaa a in fo a qef, yaaga xan Roog a jaf a qef ake wiin mayu a nqedanaa a in , too xan a ci a in teen yirmande . Neene , xan wiin mayu a ngidim a Roog itam yaam in .

2 Korint 13:7-9

Yaaga boog, kaa i nqedaa a Roog , ndax nu mbi'kee kaa domna . Refee yee ndax feetlax ne a ref na in o nqaac , ndaa ndax nu mbaag o mbi'aa paax , a soɓangaa sax ee feetlax ne in kaa ref njom na in . Yaam kaa i njegee katil leng naa waagna o siknoor fo ndigil ne , no ndigil ne rek i njegtan. I neewangaa doole soo nuun o mat , nu ndef doole fa ɓor , kaa i mbelakinooxaa teen , too ke i nqedanaa a nuun refu nu ŋak sik .

Efes 1:17-19a

Kaam xedaa a Roog fee no Yaal in Yeesu Kiristaa , a Faap fee jegna o ndam , ndax ta coox a nuun Yiif le na andnoorkaa a nuun too a feeŋil a nuun a Roog , ndax nu andin . Yaasam ta xooland a qeeŋ nuun , ndax nu and yaakaar ne taxna Roog a xoy anuun , and itam halal fee no paax cegee sik ke ta geekanna we mbogna no ten . Kaam xedan itam , ndax nu and ke refna katil maak njegee hap ne ta jegna na in , in gimu we. Katil neene refu sax ke Roog a lalitna fa doole fa mbagkatar ...

Efes 3:14-21

Ten taxu mexee goknooxaa mbaamir Roog Faap fee. No ten ke sakeena fop a inooru , ta ref na asamaan mbaat took lanq ke . Kaam xedan , ta ci a nuun nu satik fa doole na pexey Yiif le ten no ngiin kam ne nuun , ndax nu ndaawtin na halal fee no ndam onqe ten . Kaam xedaa ndax Kiristaa a gen kam a qeeŋ nuun na pexey o ngim nuun . Kaam xedaa itam nu sax no mbeq onqe , ndamoox, satik teen . Yaasam nu mbaag o and , nuun fo we mbogna na xeet fee Roog fop, ne o mbeq onqe Kiristaa a yaajitna soo a jigdit neen , a got took soo a xood. li, yaasam nu mbaag o and o mbeq onqe Kiristaa , ke o leng o moseeruuna o mos o waag o and fop oo, ndax nu mayfandel fo o yaajel ole Roog fop . Na pexey katil ne na jalaa na in , Roog a juga saŋ-saŋ faa ta fi'taa kili kupu ke i nqedaa mbaat i nqalaatan . O ndam a hela a Roog no fog ole no gimu we fo na Kiristaa Yeesu , bo na moos boo moos ! Amiini .

Efes 6:19-20

Nqedanaamo itam, ndax a mbanuu hapatuuma bug o lay, um jeg kaa layuuma , boo waag o andnoor kunpa ke no Yegil

mbaax ne fo njambaar . Kaam ref oxaa Roog a lulna ndax um yegnita Yegil mbaax neene , taxna um jengel ndiiki. Nqedyo boog , ndax Roog a ci'aam njambaar naa um layantan ne waranuuma o layit .

Filip 1:9-11

Ke um xedaa refu rek ee o mbeq nuun a jof mbaamir , a lingir fo o and tigi fo o jeg yiif o xoolu , ndax nu mbaag o njekit ke moyna . Yaaga, xan nu njeg o ŋoow o xoolu ; ŋak panjel boo na bes faa Kiristaa a nomtooxiidkaa . Xan nu may fo xa tim xa cofu xaa ngatna na Yeesu Kiristaa , ndax Roog a foxotel o ndam, a simatel .

Filip 4:6-7

Ba nu nqalam dara ! No kuu refna, ndiisyo a Roog coxla nuun, nqedaa, nqedfooxaa, too ngidman itam . Yaaga, xan jam fee Roog hupna o and oluu refna a xoxit a qeeŋ nuun fo a yiif nuun na Kiristaa Yeesu.

Kolos 1:3-4

Kaa i ngidmaa a Roog Faap no Yaal in Yeesu Kiristaa , a mbanuu i nqedanaa a nuun , yaam kaa i layel o ngim nuun na Kiristaa Yeesu fo o mbeq onqe nu njegna no gimu we fop —

Kolos 1:9-14

Ten taxu itam , no kaa xotitna na koom alaa i layeena paru na nuun , i nqedanaa a nuun a Roog , ndekan a nuun xa pay , ndax ta yip na nuun o and o deyu sik , nu mbaag o njekit ke ta bugna , ta yoon fo yiif, fo o and no tig Roog Yaaga, xan nu mbaag o ŋaayit ne o Yaal oxe a bugtuuna , xeeŋ um a let na nuun , nu saqik a pi a paax a pagatar , maakit o and a Roog . Kaa i nqedaa itam doole um fee jegna o ndam a fap a nuun o saax-oo saax ,ndax nu mbaag o satik too njeg o muŋ, ngidmaa a Faap fee fo o daay , ten fee fi'na nu mbaag o mbog no lam ne no tedu we ndefna na nqoolaand ale . Ten o mat muclu a in no nipaana o jegu doole le , a pek a in no Maat no Peem onqe ta fexna . I njegin no ten a bateer fo a baasan pakaad.

Kolos 4:2-6

Nuun fop, fat nu njof mbaamir na qef, yokoox teen ,ndef no ngidim . Nqedanyo a in itam, ndax Roog a waag o ci a in o gom no calel ke . Neene , xam waag o yegnita kunpa fee Kiristaa taxna um jengel , andnin wiin we a qool qac ne ta wartaxama . A juga waa andoona yee ngimafulee . Kuu nu ndeerna fa den , fat nu ŋaaynitin fo yiif , mbaŋ dara no daaw nuun a ref kasaara . Fat a delem nuun a yoon fa yirmande , a njem, nu mbaag o and ke nu mbarna o ndoon o kiin oo kiin.

Kolos 4:12

Epafaras fee nu mbogitna xeet oxe simnaa a nuun . O tag Kiristaa Yeesu yoo, too a naangaa o gomreel na qef yaam nuun , ndax nu ŋak sik , satik no fop ke refna o bug Roog.

I Tesalonik 1:2-3

Kaa i ngen no ngidmanaa a nuun a Roog , nuun fop, yaa i nqedanaa a nuun . I ŋakee o mbetandooxaa a nuun na qef in mbaamir Roog Faap fee yaam o ngim nuun o laltinooxu nqe fo o mbeq onqe nuun na jaflaxnooraa a nuun fo yaakaar mbooru ne nu njegna no Yaal in Yeesu Kiristaa .

I Tesalonik 3:10-11

Ŋaal fo o yeng, kaa i ngen no nqedaa , too satik teen , ndax i njeg o gom olaa i mbaagna o ngarit boo mbadin ke yoqna no ngim nuun . Yaasam Roog Faap in fa xoox um fo o Yaal in Yeesu Kiristaa a fox a in boo me nuun .

I Tesalonik 3:12-13

Yaasam o Yaal oxe a xayandaa , too a mayfandaa o mbeq onqe nu njegna a ndeer nuun fo ne nu mbexitna lakas we

itam, boo ta nand fo o mbeq onqe i njegna na nuun . Yaasam ta safkand a nqeeñ nuun kam o tedel o jegee ñañel leng paam Roog Faap in , boo yaa o Yaal in Yeesu a garkaa , a yoon fo tedu we ten fop .

I Tesalonik 5:23-24

Yaasam Roog fee na ci'taa jam , a mayfand a nuun fo o tedel . Yaasam ngiin nuun fop : yiif nuun fo o laaw nuun fo cer nuun a ñak sik , boo yaa o Yaal in Yeesu Kiristaa a nomtoxiidkaa . Oxe na xoyaa a nuun a gore'a too xan a fadnin itam .

2 Tesalonik 1:11-12

Ten taxu i ngen no nqedanaa a nuun , ndax o xoy ole Roog fee in jombkee a nuun. Yaasam ta ci a nuun doole faa nu mbaagna o mbadnit paax ke nu nqalaataa fop fo caled ke no ngim onqe nu njegna . Nene , xan gon le no Yaal in Yeesu a ðoxottel o ndam na nuun , soo nuun itam, nu ðoxotel o ndam no ten , na pexey yirmande fee Roog in fo no Yaal oxe Yeesu Kiristaa .

2 Tesalonik 2:16-17

O Yaal in Yeesu Kiristaa fa Roog Faap in fee fexna fex a in , a ci'a a in na pexey yirmande um yaaloor boo faw fo yaakaar mbaax . Yaasam ta yaal a nuun nu satik na pi a paax fo na telem a paax itam .

2 Tesalonik 3:1-2

Fog we, nqedyo ndax fa lay fee no Yaal oxe a ñof o jof mbaamir , a niwel ne nu niwtuuna .Nqedyo itam , ndax i ndad wiin soxodu we fo faaxeer we , yaam kaa refree yee fop njegu o ngim onqe.

2 Tesalonik 3:5

Yaasam o Yaal oxe a dox a nqeeñ nuun , nu mbex a Roog , too njeg o muñ ole na inooraa na Kiristaa .

I Timote 1:17

Roog fee mosna mos o refaa o maad , xonkee muk, too waagaan o ga . O ten soom refu Roog . Fat wiin we a ðoxotin o niwel fo o ndam bo na moos boo moos . Amiini .

I Timote 2:1-7

Mexe eet o heblaa fop boog, da nqedaa, a nqedfooxanaa lakas we itam, a ngidmaa a Roog yaam wiin we fop. Fat i mbi'anan maad we fo fop we ndefna wiin maak waa mbarna o niwel, ndax i mbaag o ñoowaa o ñoow o lewu na jam fa jam, ndeefaa a Roog too ñak ðanjel. Keene a faaxa, too a fela a Roog fee o Muumucil in. Ten fa xoox um a buga wiin we fop a muc, too a andat ndigil ne. Yaam Roog fa leng soom jegu. A juga itam o ndok-a-ndeer o leng kut onqaa refna a ndeer wiin we fa Roog. Ten refu Kiristaa Yeesu o kiin oxe, wuusna o ñis um, ndax ta wat a in , in fop . Neene, ye hap fee a fadna, a cooxta seede yee Roog a buga wiin fop a muc. Ten taxu itam, um doonel o baawaare fo apootar – ndigil kak um layaa, too maañiim no dara – kam doxnel o jangnaa we ndefeerna Yaawuur, ke refna o ngim fo ndigil.

Filemon 6

Kam xedaa a Roog, ndax o fog ole fokatoonga fa in no ngim onqe, a rim o and ole moyna no paax ke i njegna no ñoow in fa Kiristaa.

A cang VII: Xedanaa we mo'na

Nqedanaa qaariit ke in mucafuleerna refu pexey ne moyna o jeg doole ndax i pisiid a den na Kiristaa. Xa perj axe a lanq kaa cooxaa a in o ga ole na Biibal fee na qef akeene.

- Kam xedang, o Yaal oxe , ndax o qic _____ na wo .
"O leng waagee o gar me mi yaa Faap fee luliidaxama a qiciideeruuna na mi . . . ". (Sanj 6:44)
- Kam xedaa ndax _____ nan too a gim fa Lay fee Roog .
" . . . o ngim oxee inoora no yegnit ne na naaneel , soo yegnit ne na naneel a inoora na fa lay fee Kiristaa ".
(Rom 10:17)
- Kam xedaa a nuun ndax Saytaane fuulnoorkee _____ ndigil ne.
"Oxe na fi'ooxaa roog na jamaane feeke kaa fuulin a qalaat den , ndax nga'kee melec' le na nqoolaand ale no Yegil mbaax ne Kiristaa fee refna nitaal ne Roog". (2 Korint 4:4)
- Yiif Tedu le, kaam xedang ndax o andnoor _____ ke ta soxla'na ndax ta daaw yirmande fee Kiristaa.
"Boo ta garna, xan a andnoor adna fee yee na bakaad a ndefu , a lal a den o cofel . . . Kaa koy, yaa Yiif le Roog saqna ndigil ne a garkaa , xan a dox a nuun no ndigil ne fop ".(Sanj 16:8,13)
- Kaam xedang ndax o lul o kiin oxaa na xaajirkaa Yegil mbaax ne fo _____ (Mace 9:37-38).
Maaga a laya daalbe um ee, "A saxad ale a magna , ndaa jaajal we mayee . Nqedyo o Yaal a saxad ale boog, ndax ta luliid jaajal na saxad ale ten." (Mace 9:37-38)
- Kaam xedaa itam ndax nu ci'aam, mi fo gimu lakas we o woop, um jeg njambaar fo ke waruuma o lay ndax um xaajir fo _____.
Nqedanaamo itam , ndax a mbanuu hafatuuma bug o lay, um jeg kaa layuuma , boo waag o andnoor kunpa ke no Yegil mbaax ne fo njambaar . Kaam ref oxaa Roog a lulna ndax um yegnitaa Yegil mbaax neene taxna um jengel ndiiki. Nqedyo boog ndax Roog a ci'aam njambaar naa um layantan ne waranuuma o layit. (Efes 6:19-20)
- O Yaal oxe, kaam xedaa ndax _____ a waag o fes pakaad um a cinj.
Roog deetatee camaane ke wiin we a ndeefna no njak o and, ndiiki koy, oxe xoyaa wiin we na adna fee fop , da mbes pakaad den a cinj .
(A pi ake 17:30-31)
- O Yaal oxe, kaam xedaa ndax _____ ta waag o doon yaakaar um na Kiristaa too a daaw ci'it mbadu ne wo no njooow o fagkeer ole.
Kaa koy, Roog a fi'a jam boo we njapuuna fop, a ngim no gon um, ta ci a den da ndefat xa piy Roog — (Sanj 1:12)
- O Yaal oxe, kaam xedang ndax _____ a mbaag o mbeejil a Kiristaa nen o Yaal um , ndax o ngim um a jeg a pac too a maak , too ta saq xa tim xa mayu yaam o ndam of .
"Boo weejloona fo o don of mbaamir no fop ee Yeesu refu o Yaal oxe , , gim no xeeñ of itam ee Roog a xontoornooraan a ndeer no xon we, yaaga xan o muc. Yaam o kiin kaa gimaa no xeeñ um,soo Roog a jofandkan. Kaam ee, o kiin oxe kaa weejlaa o ngim um fo o don um,soo Roog a mucilkan". (Rom 10:9-10)

"Neene boog, ne nu njapna a Kiristaa Yeesu nen o Yaal nuun, njooowo fo ten . Saxyo no ten , ndamoox no ten , o ngim onqe a fapit a nuun doole , ne nu njagnit'eena o ten , too ngen no ngidman ". (Kolos 2:6-7)

A cang VIII: A qef ake ndax o yokax a jeg

Xedi a Roog ta andnoor wiin we yee owe no bakaad, andnoor ke refna degoor o kay fa saytaane , safar a Roog fo a ticax ndigil kam xeet fee ten. A yokax koy waagee o jeg yaa keene limeena o jegeerna too Roog soom waagu o ci a den xeet um . Ndaa koy, i mbaagee o nqap mbaat i mbi'ood a a pi ke ndefna degoor no ndigil fa saytaane mbaat a ticax. (2 Korint 7:10)

Nqedityo fo o nqoolel o saxu, a ticax a tiindigil, fo katil ne no Yiif le ta mayfand pastoor ke fo aa-adax we no Kerceen ke. A yokax no ngim waagee o jeg yaa katil ne Roog a laltinooxeerna no pastoor ke fo aa-adax we no Kerceen ke. Pastoor ke njegna o ñoow o xas kaa njeg o njiriiñ ndax Roog a waag o lalit katil um no jamaane fee ndiiki! (Efes 6:14-20)

Nqedyo a Roog ndax a fi boo xeet fee ten a xeexel o ten too a pis a den na qef fo a qedax alaa feluuna. Roog kaa war o ci'it o ngim o ndigil fo o bug o safku na qef . Fo o and in ,fo ke i daapaa, i mbaagoodee o “mbi a yokax ndigil na qef”. (Filip 2:13)

Nqedyo ndax Roog a pisiid nanoor yoonu fo o mbeq kam cangu ke in fo nanoor kam cangu ke in. Cangu mayu kaa soxla o wod ole a ndeer no wiin we ten too cangu mayu a soxla o mbaas nqupatiraa fo cangu lakas yaam ciis . (Sanj 13:34-35; Rom 12:9-16; 1 Korint13:4-8)

Nqedyo a Roog ndax ta mayfand xeet um fo o bug o ga wiin a muc . (Roog soom waagu ci'it a toq aleene na laaw axe muceerna .) Boo xeet fee Roog a xedaneerna fo a posax we mo'na too njalaa ndax xa laaw axe a muc , a yokax jegkee . Fat o gen no xedanaa wiin mayu waa mo'na too o ne'aa a kon den. (Rom 9:1-3)

Nqedyo a Roog ndax ta ci xeet fee ten a posax no calel ke ten fo no fer cangu. A yokax a jegu doole kee kaa taxaa calel ke kam jangu fee a moy o may , calel qas a njeg, too cangu qas a ngeennel. Roog soom waagu ci'it o bug o ndiindigil ole no calel ke ten . (Mace 28:19)

Nqedyo ndax Roog a xoy wiin cuni mayu kam calel ke,nduleer ne fo Kerceen kaa na dagooxaa o Yaal oxe. Cangu mayu kaa nqonnaa yaam ne da naangeerna o pisiidaa xa law xa lakas na muc ale , njegee jaajangin fo jaajal kam jangu fee . (Mace 9:37)

Nqedyo ndax Roog a fudin Yiif le ten nen a tep a jegu doole faana xoolandaa. Nqedyo a Roog ta xooland “ a kebax” ake in yaa i nqedaa ndax a yokax a jeg . Cinj keene fop i mbaaga o nqed ndax a yokax a jeg , soxla ke fo yuup ne no kiin oo kiin. Ke na yo'naa a in kaa war o ref soom yaam : (a) o ndam onqe Roog, fo (b) maat ne Roog a jof mbaamir. I mbaree o nqedaa a yokax a jeg ndax daxir coxla ke in mbaat i mbidaa kaa faaxna no cangu ke in na kid ake no wiin we. (Saak 4:2)

Nqedyo ndax a pesoorof a safku no jeg yiif fo na muc ale took pokatax ke no aada ke na nangilooxeel. Lalgand leng-leng ke mbaageena o cooxit ndefu we na njalaa Hollywood fo we na cooxaa a den calel keene , maat ke, we na aqatinaa fo jaajangin we no ekol kaa, we na tasaa o nan fo ke na xewaa, we na mbi'aa tiyatar, yaal a kon a fak ake, fo we na njalaa na kim fop. (1 Timote 2:1-2)Fat o bind keene fop na kayit too cooxin jangu of .

Fat nu nqed a Roog sax ndax ta fudin Yiif le Ten qupu ne ta fi'it uuna na amerik no xiid 1858 Fo no Pays de Galles no xiid 1904. (10% no wiin we ngenna no saate fee a muc'a no xa qool xa 5!) Xedi a Roog ndax ñaal ne na Pantekot a jeg na USA fo Kanadaa . (Mark 11:22-24; Sanj 14:13-14.)

A cangin IX: Xed na tegit ake Roog

Kaa xottel : A qef kaa suptaa kuu refna, Bennie Mostert a bindin , Carpe Diem a yegnitin

"Yaam nuu a tegit ake Roog a mayitna kaa ndef "ii" na Kiristaa. Too na pexey um, o "amiin" ole a xat na in no ndam onqe Roog " (2 Korint.1:20). Niiri o penj olene a paax . A tegit ake fop kaa ndef ii na Kiristaa, ndaa kaa mbar o ndef AMIINI na in. Amiini kaa tekit; ndigil oo too a woora.Kaa i mbar o ndamit a Roog na fa Lay um yaam fa lay um ndigil oo too a jof, too kaa i mbar o njiriiñoor a tegit akeene kam o ngim yaa i nqeda. Kaa i ndoonaa teen o AMIIN ole fo xa ñoow in yaaga a tegit refree dara yaa i nqedeerna ndax ta fadnoox na in.

No ga ole Everet E. Storms a juga a tegit 7959 kam a Pind a Tedu ke too Roog regtu a den. Boo i ngotna a tegit a leng ñaal nu refna, xan i soxla xa qiid 22 (xarpeen-fik fo fik) ndax i njiriiñoor oxu refna na den jaf leng. Kaleb a ñoowa xa qiid 40 (qarpeen-naxik) na tegit a leng. Xa qiid xa podnum o kiin a waagu o ñoow na tegit 7959? Armin Gesswein a laya yee: A tegit ake na laytaa no padafuleer xa tontax axe na qef ake. Den ndefu o mbinj onqe i yipaa a qef ake in. Den na layaa no padafuleer ke na cungeel. Den na mbapaa, a foxaa too a safkandaa a qedax ake in.. Keene taxu a qef ale no Kerceen fee a jeg njektirand!Nam keene a jegtu? No ke moyna xool, ke i nqeda kaa inoor no tontax ole.. jeg o tontax ole no Yiif of..xottit no tontax ole ret no kaaga. Neene o Yaal oxe a fi'taa, nene a reftaa no ngim onqe. Kaa fi a tegit – in, i ngim. Ke i mbi'aa fop kaa i nqottan na fa lay um. No keene , a qef ale japeena refree ke doyna a in soom , ndaa kaa daaynooraa xeeñ le Roog yaa ta fadnaa fa Lay um sax . Noo keene refu ke moyna jeg o njiriiñ no ref fa Roog ."

Kaa i mbar o mat a Roog yoon fo a tegit ake ten. Boo i nqeda ndax a yokax a jeg mbaat na muc ale no kiin , kaa i mbar o deet na Pind a Tedu ke ndax i and o bug ole Roog , cinj kaaga , i deet a tegit ake yoonna fo ten. Fat nu ngecnoox na tegit a keene, ndoon teen o AMIINI ole no ke regteena . Kam Yereimi 33:19-27 , o Yaal a laya ee a tegit ake ten (na Dawid) kaa mboorit nen njeec mbatu mbaat njeec ne na mudaa: "Boo waagoona o yaq nqipoor es fo ñaal ne fo nqipoor es fo o yeng ole, boo ñaal neene fo o yeng oleene njegkatee na waxtu fee da nqapaneena , neene nqipoor es fo Dawid fee o tag es, xan a waag o degel .." Deeti ke layeena kam a Lim ale 23:19 "Roog refree o kiin boo a maapaa , refree o piy Aadama boo a jegaa o ndicax . Ndax fi'kee ke ta layna ? Ke ta regitna , xan a fadnin"

Samandaal a Tegit

- Roog kaa gayaa a tegit um

Roog refree o kiin boo a maapaa , mbaat o piy no kiin boo ta war o ricoox ke ta xebooxna (A lim ale.23:19). Hebre.10:23; Esayi.46:11; A Kim a Tedu ke .89:34-36; Esayi.30:18

- Roog kaa nangilooxaa a qef ake in .

Yaam a kid ake no Yaal oxe o we took no jofu we too kaa nangilooxaa a qef den (1 Piyeer.3:12).

A Kim a Tedu ke .34:17; 1 Sanj 5:14; 2 Caloori ke .16:9; A Kim a Tedu ke.4:4; A Kim a Tedu.102:17

- Roog kaa japaa a qef ake in.

Boo da nqel ko fo nqoyaxam sax , mi, xam jaap a den, too boo da ngelko fo muukaa a qef den, a sofa japaa num yaaga (Esayi.65:24).

Yereimi.33:3; Mark 11:24; Sanj 16:24; Sanj 15:7; Esayi.58:9; Efes.3:20; Mace.7:7

- A tegit ake na laytaa a muc ale

Yaam luliidee o Peem na adna fee, ndax ta hate adna fee, ndaa ndax ta muclin na pexey o Peem (Sanj 3:17).

Rom.10:9-10; 10:13; Efes.2:8-9; 1 Timote.2:3-4; Hebre.6:18

- A tegit no ñoow o xas

O kiin o fogangaa na Kiristaa, mbindel nqas a refatu . Ke xiidna a wata , soo fop a refat qas! (2 Korint.5:17).
Sanj 10:10; 1 Piyeer 2:24; Galate 2:20; Rom 6:4; 1 Sanj 3:9; 2 Korint 3:18; Eseki’el 36:26

- A tegit ake no jeg a xoox of

Xan nu and ndigil ne, too xan ndigil ne a wat a nuun (Sanj 8:32,36).

Rom 6:14,22; Rom 8:1-2; 2 Korint3:17; A pi ake 13:38

- A tegit ake na baasan pakaad

I mbeejlangaa pakaad in, Roog a gore’a too o jofa boo waasanaa a in pakaad ke in , a xoolandaa a in no njofafar nuu refna (1 Sanj 1:9).

A Kim a tedu ke 32:1-2; Esayi 43:25; A Kim a tedu ke 103:12; 1 Sanj 2:12; Efes 1:7; Rom.8:33

- A tegit no ne Roog a jofandtina a in

Kiristaa fee moseerna o fi bakaad, Roog a gadnaan pakaad ke in , ndax no ten Roog a deet a in nen jofu (2 Korint 5:21).

Rom 8:10; 1 Korint1:30; Rom 3:21-22; Rom 4:4-5; Rom 5:17

- A tegit ake na laytaa kaa jofna no Yiif Tedu le

Ke nu soxodna soxod fop oo, kaa nu ci’aa xa piy nuun tig paax . Yaaga koy, ndax Faap nuun fee na asamaan ci’kee Yiif Tedu le we nqeduuna o ten? (Lik 11:13).

Esayi 44:3; Sanj 14:16-17; Sanj 16:7; A pi ake 1:8; A pi ake 2:38-39 Galat 4:6; Galat 3:14; 1 Sanj 4:13; Mace 3:11; Eseki’el 36:27; Efes 1:13

- A tegit no ngim na Roog

Na qalaat nuun.....oxuu refna a liipoor fo a las ale Roog a ci’uuna no ngim onqe (Rom.12:3).

Efes 2:8; Hebre 11:6; Saak 1:3; 1 Piyeer 1:7; Rom.1:17; 1 Sanj 5:4; Mark 9:23; Efes 6:16; Sanj 20:29; Mace 21:21-22; Sanj 16:24

- A tegit na fa Lay fee Roog

Roog bindnooru a Pind a Tedu ke fop, too bind luu refna teen a jega o njiriiñ no ke ta jangnaa . Kaa soqaa, a yaraa, a jangnaa o cofel itam ndax o kiin Roog oxe a dey too a jofnoox na pi a paax (2 Timote 3:16-17).

1 Piyeer 1:25; Esayi 40:8; Mace 4:4; A Cangatin ale 29:29; Yosuwe 1:8; Esayi 55:11; Hebre 4:12.

- A tegit na saytax no paaxeer oxe

O Yaal oxe gore’na , xan a safkand a nuun , soo a saytoox a nuun no paaxeer oxe (2 Tesalonik 3:3).

2 Timote 4:18; Kolos 1:13; Kolos 2:15; 1 Sanj 5:18; Rom 8:38,39; A Kim Tedu ke 91:9-13; Hebre 2:14-15

- A tegit no teewaay ne ten

Mexey fa nuun bes fuu refna boo maa adna fee a daykaa (Mace 28:20).

Esayi 43:5; Saak 4:8; Sanj 14:15-16; Mace 18:20; A Kim a Tedu 23:4; Hebre 13:5

- A tegit no maak no ngim onqe

A wooraxam ee oxe ferna na nuun paax kene xan a fadnin boo na bes faa Kiristaa a nomtooxiidkaa (Filip 1:6).

Sanj 17:18-19; 2 Piyeer 1:3-4; 2 Korint 3:18; 1 Korint 1:8; Efes 3:17-19; Filip 1:9-10

- A tegit no cit ke no Yiif Tedu le

Yaam Roog refree ci’it a jañ too ricooxkee o xoy ole ten(Rom 11:29). Rom 12:5-8

- A tegit no ndigil ne

Boo o Yaayaal oxe um liliidkaa me nuun, yaa retuuma maa na Faap faa a garna xan a lalit oxe refuuma. O Yaayaal oxene refu Yiif le saqna ndigil ne, too na Faap fee a hatu (Sanj 15:26).

Sanj 8:31-32; Sanj 16:3; Efes 5:9

- A tegit no mbeq onqe Roog

Ndaa Roog a lalta ne ta fexitna a in boo Kiristaa a xonan a in , ye i maadna o ndefaa baabakaad (Rom.5:8).

Yeremi 31:3; Esayi 54:10; 1 Yosuwe 4: 9-10; Sanj 15:9; 1 Sanj 3:1

- A tegit no daay

Kam lay a nuun keene , ndax o daay es a dal na nuun , o daay nuun a waag o ñak sik (Sanj 15:11).

AKim a Tedu ke 16:11; Rom.14:17; Esayi 55:12; Esayi 35:10

- A tegit na jam fee Roog

Ndaa a dibe yaam pakaad in, a xawel yaam njofatar in. A qaw ale a dala took um ndax i njeg jam , too na pexey a uut ake ten , i mbodtu (Esayi 53:5).

Sanj 14:27; Rom 5:1; Filip 4:7 Rom 5:22

- A tegit no yaakaar ne na Kerceen fee

Ke i soṗna kam a Pind a Tedu ke fop kaa bind’el yaaga ndax ta jangin a in o muñ , a ci a in yaalaax . Neene, xan i njeg yaakaar na pexey a Pind a Tedu ke (Rom.15:4).

Kolos 1:27; 1 Piyeer 1:3; Hebre 6:18-19; Rom 5:2; Rom 15:13

- A tegit no ñoow o fagkeer ole

Yaam Roog a fexa adna fee boo a ci’it o Piy o leng kut onqe ta jegna , ndax oxuu gimna no ten sanjkooxkee muk , ndaa ndax ta jeg o ñoow o fagkeer ole (Sanj 3:16).

1 Sanj 2:25; Rom 6:23; Sanj 10:27-28; Sanj 5:24; 1 Sanj 5:11-13

- A tegit na kar a fikandeer ale Kiristaa

Xa moofand xa mayu xaay no mbind Faap es . Kaaga jeg’angee, laykooginum a nuun . Kam jangadankaa a nuun koy maa nu moofna . Boo retuuma, boo nu njeg maa nu moofna, xam nomtooxiid , xot a nuun , ndax me um refkaa, nu ndef maaga nuun itam (Sanj 14:2-3).

Sanj 14:28; A pi ake 1:11; 1 Tesalonik 4:16-17; Kolos 3:4; Hebre 9:28; Mbeeñil 1:7

- A tegit no kaa jofna na asamaan

Ga’aam teeru fa tedu fee refna Yeerusaleem fa nqas fee Roog a fudnitiidna na asamaan . Kaa jagandoox nen o toog oxaa bugeena o ɓoxot o kor um . Nanam o ñuxur o maak ta inoor no gamb no maad , a lay ee: Ndiiki koy ngenand ne Roog oxey a ndeer no wiin we . Xan Roog a gen a ndeer den , soo wiin we a ndef xeet um. Roog fa xoox um xan a ref fa den , a ref Roog den (Mbeeñil 21:2-3).

1 Piyeer 1:4-5; 2 Piyeer 1:10-11; 2 Piyeer 3:13; Lik 23:43

- Roog a regta doole

Kaa ci’aa doole oxe xijna, a moy o safakinaa oxe ñakna doole (Esayi 40:29).

A kim a tedu ke 29:11; Isa.26:4; Nehemi 8:10; Efes 6:10; Filip 4:13; Esayi 58:11

- I mbaaga njeg a qoolax na Roog

Sadarkiro a qufil akaa mbetna mbaat soon laa inoorna no soxodu we .Yaam o Yaal oxe na refkaa a ting of , a

guutatirandaa o jaf of fo mbog nuu refna (XA PETit AXE 3:25-26).

Xa PETIT AXE 14:26; Esayi 30:15; 1 Saŋ 3:21; 1 Saŋ 5:14-15

- Roog a regta o jeg yiif

Roog kaa ci'aa oxe feluuna o jeg yiif , o and fo o daay (O Baawaare xe 2:26).

XA PETIT AKE 2:6-7; XA PETIT AKE 9:10; Yob 12:13; Dañel 2:20-22; 1 Korint 1:30;

- Xan o Yaal oxe a jangin a in

O Yaal oxe a faaxa too a jofa. Ten taxu ta lalaa baabakaad we a fat ale . Kaa ñaaɗnooraa no cofel we neewandooxna , a aqatinaa a den a fat um . Na fat ake ten fop o Yaal oxe kaa doxtaa o mbeq fo ndigil we na ngayaa ngiɓoor um fo fa lay um (A Kim a Tedu ke 25:8-10).

A Kim a Tedu ke 25:12-14; A Kim a Tedu ke 32:8; 2 Timote 3:16-17; XA PETIT AXE 15:33

- Xan o Yaal oxe a saytoox a in

Nof of xan a nanit fa lay feeke a cinj of, " A fat ale ley, ñaayyo teen" (Esayi 30:21).

A Kim a Tedu ke 48:14; A Kim a Tedu ke 23:1,3; A Kima Tedu ke 139:9-10

- Xan o Yaal oxe a ci a in halal

Holooxi o Yaal oxe no xeeñ of fop , too ba o geɗnoox no jeg yiif of . Adneen no kuu o fi'aa; too xan a fodrand a fat of. (XA PETIT AXE 3:5-6).

Yosuwe 1:8; 2 Caloori ke 20:20; XA PETIT AXE 16:3; 2 Korint 3:5b; 1 Caloori ke 22:12-13

- Xan Roog a yaal a in

We naqadiooxna a faaya , yaam xan Roog a yaal a den (Mace 5:4).

2 Korint 1:3-4; 2 Tesalonik 2:16-17; Esayi 49:13; Saŋ 14:18

- Xan Roog a jaɓ a qef ake in

Yaasam ta wetandoox sadax ke wo fop soo a jaɓ sadax toxel of (A Kima Tedu ke 20:4).

A Kim a Tedu ke 21:2; XA PETIT AXE 10:24; Ps.103:4-5; Mark 11:24

- A tegit ake no ɓasil ne no kimu xe

O Yaal oxe kaa barke'aa ngenand no jofu we (XA PETIT AXE 3:33).

XA PETIT AXE 12:7; A Cangatin ale 12:28; Esayi 54:13; A Kim a Tedu ke 112:1-3; XA PETIT AXE 22:6; A Kim a Tedu ke 128:1,3; A Cangatin ale 4:40; Efes 6:2-3

- A tegit no o wod fo ɓaal fo na bodand

Na pexey a uut ake ten i mbodtu (Esayi 53:5c).

Yremi 30:17; A Cangatin ale 7:12,15; A Kim a Tedu ke 91:5-6,10; 3 Saŋ 1:2; Yereimi 33:6; A Sutax ale 15:25-26; A Kima Tedu ke 103:3; Malaki 4:2; 1 Piyeer 2:24;

Saak 5:13-14,16; Mace 8:16-17

- A tegit no ref no woor na Roog

Gon le no Yaal oxe kaa ref taax-took safku koŋ. O cofu xe kaa jaɓnooxaa teen soo a ref no woor (XA PETIT AXE 18:10).

1 Sami'el 2:9; A kim a Tedu ke 125: 1-2; A Kim a Tedu ke 91:3-4,11-12; A Kim a Tedu ke 34:19-20; A Kim a Tedu ke 121:1-8; XA PETIT AXE 29:25

- A tegit no soxla ke fop

Roog es koy , xan a ɗaxit coxla nuun fop halal um fo o ndam um na Kiristaa Yeesu (Filip 4:19).

Mace 6:25-26, 31-33; A Cangatin ale 28:1, 11, 12; Lik 12:30-31; A Cangatin ale 29:9; Ps.111:5; Esayi 1:19; Sakari 10:1; A Padax ale 26:3-5

- A tegit na waxtu diid fo o mo

Ba o saɗar, yaam mexey fa wo. Ba o firip, yaam mi refu Roog of. Kaam safkandang, yufgang soo damtang o ɓay o ŋamaak es ole ɓonooxna o cofel (Esayi 41:10).

Esayi 41:13; Esayi 43:1; 2 Timte 1:7; Lik 12:6-7; 1 Saŋ 4:18; Rom 4:21; A Kim a Tedu ke 112:7; Esayi 58:9

- A tegit na waxtu naqadilax

O laaw es, xar taxu o naqadiloxx soo inaa kam es? Tee o cung a Roog, too and ee xam simatahinin, ten fee o Muumucil es fa Roog es (A Kim a Tedu ke 43:5).

A Kim a Tedu ke 73:26; A Kim a Tedu ke 37:23-24; A Kim a Tedu ke 34:4-7; Esayi 49:15; Hebre 13:5

- A tegit na waxtu faa dara a ŋaaceerna fo o ŋak o ndimle

Baa nu njaaxid, ngimyo na Roog, ngim na mi (Saŋ 14:1).

Esayi 61:1-3; A Kim a Tedu ke 147:3; Rom 8:28; Esayi 41:13; 2 Korint 12:9; Rom 8:26; Hebre 13:6; 1 Saŋ 4:4

- A tegit na waxtu o njaaxfataand

Roog a ŋirtangaa neene daaf le na xa saawit axe, andoona yee a refangaa xaye, o feet ta depel no ngaŋ, ndax moyke o ŋir a nuun? Nuun soo neewo ngim!...Baa o feet a jaaxdand a nuun , yaam xan o feet a topatoox a xoox um (Mace 6:30,34).

Filip 4:6-7; Lik 12:25-26; 1 Piyeer 5:6-7; Galat 5:1; Mace 11:28-30.

- A tegit na waxtu deetlax fo soong ke saytaane

Nu feetlooxkaand feetlax naa o kiin a mosaandeena o deetloox, too Roog fee refna gor xaykee a nuun, nu sipanel feetlax naa hupna a nuun doole. Kaa xayaa nu deetlooxel, ndaa a naanga o soɓaa ta jagand yaaga naa nu sutoorna teen, ndax nu ngatil feetlax Keene (1 Korint 10:13).

2 Piyeer 2:7-9; Hebre 4:14-16; 1 Tesalonik 5:22-24; Saak 4:7; Galat 1:3-4; Rom 16:20; Saŋ 16:33; 1 Saŋ 4:4

- A tegit kam coono ke, taamaala, fo yaa wiin we a soongang

A muc no jofu we, no Yaal oxe a inooraa, o ten refu njaɓnooxand den, yaa taamaala a jegna. O Yaal oxe kaa yufgaa a den soo a wat a den. Kaa wataa a den no soxodu we soo a mucil a den, yaam kaa njaɓnooxaa me ten (A Kim a Tedu ke 37:39-40).

Saak 1:12; Rom 5:3; 1 Piyeer 1:4-7; Yereimi 15:21; A Kim a Tedu ke 27:1-2; 1 Piyeer 3:9; Rom 8:31; A Sutax ale 14:13-14; Mace 5:10-12;

Lik 21:12-15; Mbeeŋil 2:10

- Roog kaa ci'taa doole no jalel ke ten

Keeke refu fa lay fee no Yaal oxe jaginna na Serubabel: "Refee yee na pexey katil of mbaat na pexey doole of o fadnidkaa calel of, ndaa na pexey Yiif le mi" Mi o Yaal oxe hupna fop layun (Sakari 4:6).

A pi ake 1:8; Esayi 40:31; Efes 6:13; Filip 2:13; Efes 3:16; Kolos 1:11

- A tegit no halal fo ŋoowir

Mbetandooxyo a tooq ake andoona yee nduufkee, saxadkee too njegee a semb mbaat tap, too Roog a ŋoownaa a den, ndax kaa nu andee yee nuun nqupu tiif ke o njiriiŋ! (Lik 12:24).

Filip 4:19; Lik 11:9; A Kim a Tedu ke 84:11-12; Mace 6:32; A Kim a Tedu 37:3, 25; Lik 12:30-31; Lik 6:38